



漢書地理志補注卷四十四

常熟 吳卓信 編纂

漢中郡

楊子法言漢創業山南發跡三秦注山南即漢中也 後

書光武紀注——故城在今梁州南鄭縣東南 史記

索隱其地在秦南山之南楚之西北漢水之北故曰漢中

輿地紀勝古——城在今南鄭縣東二里許即秦厲

公所築 方輿紀要——秦郡也今陝西——府及湖

廣鄖陽府是其地 按漢——郡今陝西——府之南鄭

褒城城固沔四縣與安府之洵陽白河二縣又湖北鄖陽

府之房竹山竹谿鄖西四縣皆其地

秦置

史記秦本紀惠文王後十三年攻楚——取地六百里置

——華陽國志周赧王二年秦惠文王置——因

水以為名也 晉書地理志益州按禹貢及舜十二牧俱

為梁州之域周合梁于雍則又為雍州之地春秋元命包

云參伐流為益州益之為言阨也言其所在之地險阨也

亦曰疆壤益大故以名焉始秦惠王滅蜀置蜀郡漢高祖

六年分蜀置廣漢凡四郡武帝開西南夷更置四郡凡八

郡遂置孟州統焉 輿地紀勝通鑑目錄于楚懷王之十

七年書曰秦取我——則郡已置于楚非始于秦也

大清一統志——春秋時為蜀地戰國初秦楚之境後

屬秦置——漢初為漢國後仍為——地理志稽

疑——故楚置秦惠文王後十三年因之漢高帝元年

所建國

莽曰新成

後書馬援傳初為王莽新大尹

屬益州

本書西南夷傳注孟康曰莽改孟州為庸部 按莽傳有

庸部牧史熊又後書廉范傳父丹王莽時為大司馬庸部

牧 十七史商榷有自——以下諸郡皆屬益州莽既

逐郡改其名班氏並注明而莽又改益州為庸部見後書

公孫述傳及廉范傳注班氏又畧而不載何也

縣十二

西成旬陽南鄭褒中房陵安陽成固沔陽錫武陵上庸長利

西城

水經注漢水又東逕——縣故城南魏文帝改為魏興郡治此 後書光武紀注——今金州縣也 又隗囂傳

注——縣一名始昌城在今秦州上邽縣西南 寰宇記

今金州——平利石泉三縣並漢——縣地其故城在今

金州西北四里漢江之北——山之東即曹魏之魏興郡

故城也當谷口路南與州城相對 郭允蹈蜀鑑——即

今金州上庸郡——縣 輿地紀勝今金州即漢中郡之

——縣——山在州北五里 方輿勝覽——山在今荆

州北五里與牛山相接 方輿紀要——廢縣在今漢中

府興安州西南三里 大清一統志——故城在今興安

府西北按漢志所列第一縣不皆為郡治漢中郡雖首列

——而當時自治南鄭水經注寰宇記諸書甚明白胡三

省始謂前漢郡治——諸志從之其實非是

旬陽

戰國策蘇秦說楚威王曰楚北有陘塞郟陽 本書酈商

傳別將攻旬關西定漢中師古曰漢中旬水上之關也今

在洵陽縣 史記正義旬關在金州 寰宇記金州洵陽

縣本漢舊縣在洵水之陽去州東一百二十里 地理通

釋蘇秦所謂郇陽卽洵陽也郇甸洵三字通徐廣以爲順陽索隱以爲新陽皆非也 大清一統志——故城在今興安府洵陽縣北甸關在縣東

北山甸水所出南入沔

山海經軒轅之邱洵水出焉南流注于黑水 又云洵山

洵水出焉南流注于闕澤 漢中志洵陽縣洵水所出

水經注漢水自西城南故城南 又東南甸水北出甸山

東南流逕——縣南又東南注于漢謂之甸口 隋書地

理志洵陽縣有洵水 元和志洵水出洵陽山北去縣一

百五十步 長安志洵河源出長安萬年縣界秦嶺下南

流經鎮安縣西入洵陽 方輿紀要洵水出商州鎮安縣

南洵山有直水枝流會焉東流至洵陽縣東南入于漢水

大清一統志洵水在今商州鎮安縣西自西安府長安

縣界流入又南入興安府洵陽縣界 水道提綱洵河源出

出鄠縣東南豹林谷南流合三小水又東南經兩山間三

百餘里至兩河關南有鎮安縣水自北來會又東南流經

洵陽縣東境折而南經縣城東北又東南入漢此水源流

五百餘里在陝中入漢巨川惟黑龍江及此水也

南鄭

史記秦本紀躁公二年——反 又惠公十三年伐蜀取

—— 又厲共公二十六年城—— 本書高帝紀項羽

更立沛公爲漢王三巴蜀漢中四十一縣都—— 華陽

國志——城秦厲公所築 水經沔水又東過——縣南

注云縣故褒之附庸也周顯王之世蜀有褒漢之地至六

國楚人兼之懷王衰弱秦畧取焉周赧王二年秦惠王置

漢中郡因水名也耆舊傳云——之號始于鄭桓公桓公

死于犬戎其民南奔故以南鄭爲稱卽漢中郡治也漢高

祖入關項羽封爲漢王蕭何曰天漢美名也遂都此大城

周迴四十二里城內有小城南憑津流北結環雉金墉漆

井皆漢所修築地沃川險魏武方之雞肋曰釋騏驎而不

更焉皇皇而更求水南卽漢陰城相承言呂后所居也

後書公孫述傳注——今梁州縣也故城在今縣東北

元和志今興元府郭下——縣本漢舊縣 又云漢中郡

自漢以還多理—— 大清一統志——故城在今漢中

府——縣東

旱山池水所出東北入漢

詩旱麓篇毛傳旱山名也旱山在梁州之境與漢廣相近

故取以興焉 華陽國志——縣有池水從旱山來 水

經注漢水右合池水水出旱山山下有祠列石十二不辨

其由盖社主之流池卽沱字也俗謂之獠子水夾漈諸田

散流左注漢水 寰宇記旱山在今興元府——縣西南

二十里周地圖記云牛頭戴旱山晦家中乾穀莫相貸傍

有石牛十二頭一云五頭盖秦惠王所造以紹蜀者下有

石池多蓴菜卽池水之源也 輿地紀勝畢山一名嶧山

在廉水縣西南十五里老子水一名老子溪卽酈道元所謂獠子水也 大清一統志旱山在——縣西南府志云在縣南六十五里也水在縣南俗譌爲老渚河

褒中

國語周幽王伐有褒褒人以褒姒女焉 本書高帝紀張良辭歸韓漢王送至褒中因說漢王燒絕棧道以備諸侯盜兵亦示項羽無東意師古曰——卽今梁州之褒縣舊曰——言居褒谷之中隋室諱忠改爲褒內 水經注褒水又南逕褒縣故城東——縣也本褒國矣漢昭帝元鳳六年置 括地志褒國在梁州褒城縣北五十里南山中後書安帝紀注——今梁州褒城縣 元和志今興元

府褒城縣本漢——縣古褒國也當斜谷大路 又云褒國在縣東二百步褒谷山在縣北五里褒斜道一名石牛道張良令漢王燒絕棧道卽此道也 輿地紀勝褒水出太白山由鳳州梁泉南流入斜谷下褒宇卽山河堰也本蕭何所築舊稱蕭何堰後乃語訛爲山河 方輿紀要古褒國城在今褒城縣東三里駱馳坪中有褒姒井 大清一統志——故城在今漢中府褒城縣東南褒水在褒城縣東自鳳縣界入又南入漢

都尉治漢陽鄉

元和志漢陽關在褒中縣北九十里漢都尉治也 寰宇記漢陽關在褒城縣西北漢所立

房陵

左傳文十一年楚子伐麋成大心敗麋師于防諸杜渚注防諸麋地淮南子秦滅趙流趙王遷于一思故鄉作為山水之謳聞之者莫不流涕華陽國志秦始皇以其地四塞險固徙呂不韋舍人萬家于一縣也東歷新城郡郡故漢中之一縣也廣韻房即春秋時防諸也秦為一縣括地志一一即今房州一一縣古楚漢中郡地是巴蜀之境通典今房州一一永清二縣並漢一一縣地一一即春秋時麋國地所謂防諸者也元和志今房州古麋國之地左傳楚敗麋師于防諸闕駟以為防陵即春秋時防諸州之得名蓋自此也漢立一一

縣今州所理即漢舊縣新唐書宰相世系表舜封堯之

子丹朱于房丹朱生陵以國為氏寰宇記房州一一縣

本漢舊縣初為防宇漢改為房以陵為名古麋庸二國之

地也其域四面有三十四山三十五溪方輿勝覽房山

在今房州一一縣西南四十三里其山四面有石室似房

因名方輿紀要一一城即今鄖陽府房縣治春秋時為

麋國秦始皇徙趙王遷一一後呂不韋之家亦徙焉漢時

宗室大臣有罪者亦多徙于此大清一統志一一故城

即今鄖陽府房縣治

淮山淮水所出東至中廬

屬南郡

入沔

續志劉昭注補——縣有維山維水所出東入瀘 華陽國志亦作維山維水 按此水今無考

又有筑水東至筑陽

屬南陽郡

亦入沔

左傳桓十二年楚師分涉于彭杜氏釋例彭水出新城魏昌縣東北至南鄉筑陽縣入漢 水經注筑水出梁城新城郡魏昌縣界縣以黃初中分——立其水東流逕筑陽縣故城南又東注于沔謂之筑口 師古曰筑音逐 元和志筑水出今——縣西北葉山經縣北二里 寰宇記

今筑水在房州理北東流經永清縣南又東北流至襄州穀城縣南又東北方注于江漢 方輿勝覽筑山在今——

縣筑水出此 方輿紀要筑水源出竹山縣之竹山亦

謂之筑江又名南視河東流入房縣界經廢昌魏縣北又東過房縣北又東入穀城縣境亦謂之彭水 大清一統

志筑水源出鄖陽府房縣西東流入保康縣又東北流入襄陽府經穀城縣東南入于漢府志云筑口在穀城縣東二十里 按續志——縣有筑水卽彭水也故魏昌縣在今湖北鄖陽府房縣西南

東山沮水所出東至郢

屬南郡

入江行七百里

淮南地形訓沮出荆山 說文沮水出漢中——東入江
从水且聲臣錯云王粲所謂倚曲沮之長洲 水經沮水
山漢中——縣東山東南過臨沮縣界又東南過枝江縣
東南入于江注云沮水出東汾陽郡沮陽縣西北景山卽
荆山首也 元和志沮水出今永清縣西南景山東南入
于漢永清本——所分也 方輿紀要沮水出鄖陽府房
縣西南二百里之景山東南流經襄陽府南境又南經荆
州府遠安縣東而入荆門州界至當陽縣北又東南合于
漳水至荊州府枝江縣入大江 大清一統志沮水源出
鄖陽府房縣界東流入保康縣界又東南流入襄陽府南

漳縣界一名睢水今名大市河又東南流入荊州府遠安
縣又南入安陸府當陽縣界合漳水南至荊州府江陵縣
西入江 水道提綱沮水源出房縣南境之景山東南流
至保康縣西北會白巖河板倉河又西北復折而東北經
雞子口東俗曰南河又東北經穀城縣城南又東入漢縣
源流曲折行五百里 按祖本作睢在傳定四年吳敗楚
破郢楚子出涉睢又襄六年楚子所謂江漢睢漳者也後
從沮又訛爲祖今襄陽以南睢水所過之處名曰相中襄
陽記祖字在上黃界云襄陽一百五十里魏將有夷王梅
敷兄弟部曲萬餘屯此分布在中廬宜城西山鄔沔二谷
中五地平曠宜桑麻有水陸良田蓋相中者沔南之膏腴

沃壤也故三國時吳魏于此力事耳
安陽

水經沔水又東過魏興——縣有注云——縣故隸漢中
魏分漢中立魏興郡——隸焉 通典今洋州黃金縣漢
——縣地故黃金城在縣西北八十里又金州安康縣亦
——縣地 寰宇記洋州真符縣金州漢陰縣並漢——
縣地其故城在今漢陰縣西二十四里數口東十里漢江
之北 一統志——故城據漢志水經注當在今漢中府
城固縣東沈約志魏收志及寰宇記皆與二書不合

鬻谷水出西南北入漢

水經沔水又東過——縣南涔水出自旱山北注之注云

涔水出西南而東北入漢 又云涔水自漢中南鄭縣東

南旱山北至沔陽縣南入于沔注云涔水即黃水也黃水

石岸有悅歸館涔水歷其北北至沔陽合沔為三水口也

師古曰鬻音潛其字亦或從水 史記索隱涔水亦作

潛水潛水出漢中——縣西北入漢 禹貢錐指漢志漢

中——縣有鬻谷水出西南北入漢正義曰鄭云安陽之

潛尾入漢耳首不於漢出也今按水經作涔水曰漢水東

過魏興——縣南涔水出自旱山北注之鄭說良是潛涔

鬻鬻古字或通用而其水之所出則不可以無辨史記索

隱因夏本紀潛作涔遂以——之涔水當之蔡傳亦因漢

志以為言非也 大清一統志涔水在今漢中府城固縣

南漢志作鬻谷水顏師古注鬻音潛其字亦或從水禹貢
沱潛史記作涪古字通用也或以此爲卽禹貢之潛非是
水道提綱漢水又東經洋縣城南又東北八十里潛
水自北來注之潛水出鐵台河源之東南山東南流百數
十里南入漢 地理志稽疑史記沱涪旣道鄭康成尙書
注曰水自漢出爲涪是潛涪固爾雅之潛也漢志漢中郡
——縣鬻谷水師古曰音潛其字亦或從水而不卽以爲
尙書之潛何哉及讀鄭注有曰——之潛尾入漢耳首不
自漢出也此言了然乃知潛涪字通而涪水亦不可以當
禹貢之潛也 尙書後案鬻谷乃谷名水名由谷而得不
得直名潛水 按禹貢荆梁二州並云沱潛旣道而本志
于漢中郡——縣云鬻谷水出西南北入漢是潛水尾入
漢耳非自漢出也鄭康成以西漢水爲潛郭景純酈道元
皆宗之此專指梁州之潛而言也

左谷水出北南入漢

水經注左谷水出——縣西而東北入漢左谷水卽壻水
也北發聽山東南流入漢水 寰宇記壻水在城固縣東
九里 九城志洋州興道縣有壻水鎮 輿地紀勝壻水
在興道縣西三十二里源出扶風界秦嶺西東流入漢
大清一統志壻水源出南鄭縣西北東流經城固縣北入
漢水亦曰左谷水又謂之聽水 道水提綱漢水又東經
城固縣城東北有水自西北東南流經城東北來來會疑

卽古壻水亦名智水

成固

水經沔水又東過——縣南 水經注漢水又東逕小——

——縣南州治大——移縣于北故曰小—— 又云壻水

又東南逕大——城北城乘高勢北臨壻水水北有韓信

臺高十餘丈高祖拜信處也 又云涪水東北流逕——

南城北城在山上或言韓信始立或言張良創築未知定

所制矣 括地志城固故城在今梁州——縣東六里

四夷縣道紀城固縣今縣東六里里故北城又有南城故

謂此為北城 通典今洋州西鄉與道洋源三縣並漢——

——縣地 元和志今興元府城固縣本漢舊縣故城在今

縣東六里相傳韓信所築 寰宇記城固漢舊縣有南北

二城相對 方輿紀要——舊城在今城固縣東八里舊

有南北二城北城漢縣治也南城蜀將劉封所築 大清

一統志——故城在今漢中府城固縣西北

沔陽

應劭曰沔水出武都東南入江 如淳曰此方人謂漢水

為沔水 師古曰漢上曰沔沔音莫踐反又音彌善反

水經注河沔水又東逕——縣故城南漢祖在漢中蕭何

所築也其城南臨漢水北帶通達古對定軍山諸葛亮遺

今葬此 寰宇記——故城在今梁州西八十四里西縣

東南十六里 方輿紀要——城在今漢中府沔縣東南

十里 大清一統志沔陽故城在今漢中府沔縣東南以
在沔水之陽而名 方以智通雅漢中有——城非今之
——州也——州屬承天府

有鐵官

續志——縣有鐵 輿地紀勝鐵山在西縣北五里多鐵
鑛 大清一統志鐵山在今沔縣北

錫

續志作錫 在傳文十一年潘崇伐麋至于——穴杜注——
穴麋地 應劭曰音陽 續郡國志錫有錫春秋時曰錫
穴 水經注漢水又東逕——縣故城北為白石灘縣故春
秋之——穴地也 經典釋文——音羊或作錫星厯反 元

和志今均州鄖絰鄉縣本漢——縣古麋國之地 寰宇記
今豐利界東魏興故城即古——縣 大清一統志——縣故
城在今興安府白河縣東

莽曰錫治

武陵

寰宇記古上庸城在今廢上庸縣東四十里——故城是
也 方輿紀要——城在今鄖陽府竹山縣西五十里
大清一統志——故城在今鄖陽府竹溪縣東

上庸

書牧誓庸蜀羗髡微盧彭濮人孔傳庸在江漢之南 左
傳文十六年楚大飢庸人率羣蠻以叛楚杜注庸今——

縣屬楚之小國 國策甘茂謂秦王曰張儀南取——
 史記秦本紀昭襄王三年與楚—— 又三十四年與魏
 韓——地 又楚世家當周夷王之時熊渠甚得江漢間
 民和乃興兵伐庸 本書武帝紀元鼎元年濟東王彭離
 有罪廢徙—— 又宣帝紀本始四年廣州王吉有罪廢
 遷——自殺 說文作鄘云南夷國也 續志——本庸
 國 水經注——故庸國也其城三面際水 括地志房
 州竹 縣本漢——縣古之庸國昔周武王伐紂庸蠻在
 焉 通典今房州——竹山二縣並漢——縣地 大清
 一統志——故城在今鄖陽府竹山縣東南——山在竹
 山縣西南四十里——水源出——山南流入堵水

長利

水經注漢水又東逕——谷南入谷有——故城舊縣也
 縣故黎也即——之鄖鄉矣李奇以為黎子國 元和志
 今均州豐利縣本漢——縣之地理在——川故以為名
 寰宇記今商津土津縣本漢——縣地——水亦名仙
 水而北自豐陽縣界流入 輿地廣記今金州立利縣本
 漢——縣 方輿紀要——城在鄖陽府西北二百里
 大清一統志——故城在今鄖陽府鄖西縣西 按——
 縣東京省并錫緊故續志無之晉太康五年始立為鄖鄉
 縣然據三國蜀志劉封申儀俱封員鄉侯則其時雖未立
 縣而已為侯邑矣

有鄖關

說文鄖漢南之國从邑員聲漢中有鄖關 史記貨殖傳南陽西通武關鄖關 師古曰鄖音云困學記聞正義云地理志宛西通武關而無鄖關鄖當為洵洵水上有關在金州洵陽縣愚按漢志漢中郡——縣有鄖關長利今商州上津縣武關在商洛縣正義蓋失之 名勝志地理志云——縣有鄖關李奇以為黎子國今郡城東北有黎子關乃沿黎子之名 方輿紀要鄖關在鄖陽府西 大清一統志黎子山在鄖縣東北七十里上有關

漢書地理志補注卷四十五

常熟 吳卓信 編纂

廣漢郡高帝置

蜀都賦三蜀之豪時往時來劉逵注三蜀本一蜀高帝分

置——武帝又分置犍為故稱三蜀 華陽國志漢高帝

六年分巴郡置——管縣六 又云——本治繩鄉

永初二年移治涪後治雒城 水經注洛水逕雒縣故城

南——治也漢高帝之為漢王也發巴渝之士北定三

秦六年乃分巴蜀置——于乘鄉後漢安帝永初五年

移治涪城後治洛縣 後書光武紀注——今益州雒

縣也 方輿紀要——本蜀郡地高帝分置今潼川州

及成都府之緜州漢州與保寧府之劍州皆是其地 按漢——今四川成都府之新都什邡二縣及漢川潼川府之三臺蓮寧二縣保寧府之昭化縣龍安府之平武縣緜州之德陽梓潼二縣又甘肅階州之文縣皆其地 又按華陽國志繩鄉水經注作乘鄉水經乘字同音假借用耳

莽曰就都

按王莽傳有就都大尹馮英

屬益州有工官

本書貢禹傳有三工官如淳曰一在廣漢

縣十三

梓潼汁方涪雜縣竹廣漢葭明郫新都甸氏道白水剛氏道陰平道

梓潼

華陽國志——縣漢孝武元鼎元年置以縣東倚梓林西

枕潼水因以為名 水經注——故廣漢郡也 後書桓

帝紀注——今始州縣也 師古曰潼音童 元和志今

劍州——普安黃安永歸陰平武連臨津七縣並漢——

縣地 方輿勝覽今隆慶府在漢屬廣漢郡之——縣

大清一統志——故城即今綿州——縣治漢昌帝置廣

縣于縣置廣漢郡尋移郡治——

五婦山

華陽國志秦惠王許嫁五女子于蜀蜀遣五丁迎之還封一
 一見一大蛇入穴中五丁拽蛇山崩壓殺五人及五女而
 山分爲五嶺蜀王傷之因命曰五婦塚山上爲望婦塚
 水經注五婦山又曰五婦塚 寰宇記五婦山在今一一
 縣北十二里高四百二十丈 大清一統志五婦山在今
 一一縣北

馳水所出南入涪

屬木郡

行五百五十里

說文潼水出廣漢一一北界南入墊江 應劭曰一一潼
 水所出南入墊江 水經一一水出一一縣北界西南入
 于涪注云馳水一曰五婦水亦曰潼水南流逕縣西又逕
 涪城東又南入涪水謂之五婦水口 元和志一一縣一
 一水一名馳水北自陰平縣界流入 又云射洪縣有一
 一水一名馳水與涪江合忽如箭奔射涪江口蜀人謂水
 口曰洪因名射洪 又云陰平縣有歧江水下流即一一
 水也 寰宇記潼江在一一一縣西南四里源出陰平縣馬
 閣山至五婦山西七曲山下名潼水 方輿勝覽潼江水
 在一一一縣西四里源出陰平馬閣山蜀志夏禹於泥陳山
 伐梓樹神化爲童子故其水曰潼水 大清一統志一一
 水源出龍安府平武縣山溪東南流入綿州一一縣又南
 入潼川府界鹽亭縣南又南經射洪縣東入涪江古名馳

水亦曰岐江潼江瀾江射江又曰白馬河又曰馬閣水
水道提綱——水即射江亦曰瀾江源出白支河源之東
南劍州西北五子山之西大山南流山中百里折東南流
六十里又西南經——縣城西又東南流曰——河浙而
南至鹽亭縣西北又東南經鹽亭縣西南又南至射洪東
南之獨坐山涪江

莽曰子同

按本書王莽傳自言定命于子同孟康曰——縣也莽曰
蓋因——又哀章作銅匱獻符瑞莽始篡位也

汁方

應劭曰汁音十 如淳音什 按史表作汁加漢表作汁

防晉齊二志又作什方說文續志水經注並作什加集韻

又作什又作什 華陽國志李水道雜通山水流發瀑口

逕什加縣 元和志今漢州什加縣本漢舊縣高祖封雍

齒為什加侯即此俗名雍齒城在今縣南四十步 大清

一統志汁方故城在今成都都什加縣南

莽曰美信

涪

華陽國志——縣去成都三百五十里水通於巴為蜀東北
之要 水經注——水自東安郡南又東南流逕——縣西有
潺水注之 師古曰——音浮 通典今縣州郡城即漢——
城縣東也 元和志今縣州所管八縣及梓州——城縣並

漢一縣地 又云今縣城理城漢一縣城東據天池西臨
一水為蜀東北之要衝 大清一統志一縣故城在今縣
州東南 按漢一縣在今縣州東南而潼州府志又謂在
鄠縣西北蓋壤地相接也

有孱亭

華陽國志一縣有孱山孱水其源有金銀鑛民得採之

水經注一縣有孱水出孱山其水歷孱亭而下注潺水

寰宇記今羅江縣北二里有孱亭廟有碑磨滅孱亭之字

存 方輿紀要潺水在綿州東五里源出梓潼縣界之

山流綿經州東三十里又西南入于涪水 大清一統

潺山在綿州北三里潺水在州東潺亭在德陽縣 水

道提綱涪江又南折而東經縣竹北境有東河自東北來

注之東河即古潺水

莽曰統睦

維

後書陳寵傳注一縣故城在今孟州一縣南 通典今漢

州所理一縣本漢舊縣 大清一統志一縣廢縣在今成

都府漢州北

章山維水所出南至新都谷

屬本郡

入湔

中山經岷山之首曰女几之山洛水出焉東注于江華陽

國志李水導一通山一水出瀑口什邡與郫縣江會新都
大渡皆灌溉稻田 李膺益州記一水出漢州什邡縣之
雒通山東合縣江注牛鞞縣 水經江水又東過江陽縣
南一水從東過廣魏一縣南東南注之注云一水出一縣
漳山亦言出梓潼縣柏山流逕什邡縣又南逕一縣故城
南又南逕新都縣與綿水合又與湔水合亦謂小郫江也
又言是涪水呂忱曰一曰湔然此二水俱與一會矣 元
和志一通山在什邡縣西三十九里一水在一縣東一里
寰宇記浚江水在什邡縣東北十八里源出縣北洛通
山李膺以此水爲雒水云卽石亭水蓋是洛水支流 方
輿紀要章山在漢州什邡縣西北六十里一名一通山又

名章一山亦曰楊村山上有風火二洞一水出于此經州
東南會湔水又會綿水三水合流亦謂之郫江又南歷金
堂峽爲金堂河又東南歷簡州爲牛鞞水又東經資縣爲
資江又東南經內江縣爲中江又東南至瀘州城東而合
于大江 大清一統志洛通山在今什邡縣西北雒水
源出縣西北東南流經德陽縣漢州合綿水又南經金堂縣
合湔水又南經簡州一名牛鞞水又東南經資陽縣資州
爲資江又東南經內江富順隆昌三縣至瀘州入大江雒
江七名隨境而東而中水爲其通稱 水道提綱雒水源
出什邡縣西北之章山亦曰雒通山東南流經縣南境俗
曰鳴牛河又東南會綿水總名雁水 按四川通志章山

在什邡縣西維道山在縣西北則是二山矣侯考 又按左思蜀都賦云浸以綿洛即謂此維水劉淵林注謂在上維桐柏山謬矣據山海經凡有三洛水一出白於山今自甘肅安化至陝西同州入河之洛雍州浸也一出謹舉山今自陝西商州至河南入河之維豫州浸也一即此洛在四川入江李冰之所導也

有工官

方輿紀要銅官山在漢州東二十里前代鑄錢之處也

莽曰吾維

縣竹

李膺孟州記石子頭二十里即故一一縣諸葛瞻埋人脚

戰處也

水經注涪水又東南逕一一縣北又南與州金

堂水會

後書公孫述傳注一一今益州縣也故城在今

縣東

元和志今漢州一一縣本漢舊縣故城在縣東五

十里又德陽縣亦一一地

寰宇記一一故城在今漢州

德陽縣北三十五里

寰宇通志一一縣在決州西二十

五里漢置以其地竹性柔紉可為細纒因以名縣

大清

一統志一一故城在今綿州德陽縣北

紫巖山

元和志一一在今綿竹縣西北三十里 方輿勝覽一

一一在縣竹縣去無為山十里皆西北勝絕處 名勝志

一一極高大亦名綿竹山 方輿紀要一一與武都

山相接——在今縣竹縣西北

縣水所出東至新都

屬本郡

北入雒

蜀都賦浸以縣洛注云縣水在——縣出紫巖山 水經

注縣水西出縣竹縣 元和志縣水出紫巖山蜀都賦浸

以縣洛謂此水也 寰宇記縣水在今漢州——縣東北

三十里當縣之紫巖山 遊蜀記縣州在縣郡有汙江所

染鄉紅于此水濯後益鮮故人之所重縣出——縣西北

東南流入德陽縣界又南入溪州界 方輿勝覽縣水在

今雒東三十里灌田頗廣 方輿紀要縣水源出——縣

紫巖山東北流復折而南入漢州界又南經新都縣北入

雒水 大清一統志縣水今名縣陽河水水道提綱縣水

源出——縣西北紫巖山東南流經縣北境一百八十餘

里至德陽縣東北境折南流經縣東至漢州東境凡一百

七十里折西南流與西北來之雒水會而南曰雁水

都尉治

廣漢

本書成帝紀鴻嘉三年——男子鄭躬等盜庠兵 水經

涪水南至小廣魏與梓潼合注云小廣魏即——縣也

又云梓潼水又西南至小廣魏南入于墊江注云亦言涪

水至此入漢又謂之爲內水也 元和志今梓州通泉鹽

亭云縣並漢——縣地又逐州亦——地 寰宇記今武
信軍蓬溪青石二縣並漢——縣地 輿地廣記今遂寧
府小溪縣本漢——縣地 輿地紀勝——故城在今鹽
亭縣東北十五里又有隋——城在通泉縣北三十里
方輿紀要——廢縣在今射洪縣東南百里 大清一統
志——故城在今潼川府遂寧縣東北 按水經注漾水
篇及羌水涪水梓潼水諸篇經文俱作廣魏胡梅磻謂廣
魏者故——也蓋曹氏改名漢後人續經此其一證然何
岷瞻又據顧寧人之說謂魏書崔浩傳浩工書人多託寫
急就章必稱馮代強以示不敢犯國史于馮代強下注曰
疑按急就篇有馮漢強魏初國號曰代故改漢強焉代強
酈道元以——為廣魏卽此例也據此則非由曹氏改名
矣

莽曰廣信

葭明

續志晉志並作葭萌 應劭曰音家育 師古曰明音萌

晉書音義上音加下亡行反 錢大昕曰古音明如萌

史記貨殖傳秦破趙遷其民諸遷虜少有餘財爭與吏

水近處處—— 水經漾水又東南至——萌與東北羌水

合 華陽國志蜀王封其弟于漢中號曰苴侯因命之邑

曰——苴王與巴王為好巴與蜀為讐故蜀王怒伐苴苴

奔巴求救于秦秦遣張儀伐蜀滅之因滅巴 括地志苴

侯都——在今利州益昌縣五十里 通典梁州金牛縣
 巴州清化縣集州地平縣並漢——縣地元和志今興興
 元府金牛三泉二縣利州縣谷益昌——允山四縣劍州
 劍門縣並漢——縣地 寰宇記今利州縣谷——平蜀
 昭化四縣並漢——縣地又巴州其章清化二縣集州嘉
 州縣興元府三泉縣亦漢之——縣也 寧國圖經時人
 呼——為小孟州以成都為大孟州也 大清一統志——
 廢縣在今保寧府昭化縣南 水道提綱黃沙江源出
 摩天嶺南流百餘里會二水又南折東南百里受二小水
 又東經劍閣山北又東至昭化縣城北入白水江即古——
 水也 按——縣即漢建安二十五年昭烈帝改為漢
 壽者今為四川保寧府廣元縣

鄴

華陽國名——縣蓋取——江為名 師古曰音妻又音干私
 反 後書王渙傳注——縣故城在今梓州——縣西南 元
 和志今梓州郭下——縣本漢舊縣因——江水為名也又射
 洪飛鳥銅山三縣亦——縣地 寰宇記——縣在今縣南九
 里臨江——王城基址見存——江水源出元武縣東南流入
 銅山縣界 續通典故——城在今射洪縣南九十里臨江
 一名——王城蓋以——江名也 輿城紀勝漢——縣城在今
 潼川府飛鳥縣北三十里——江源出銅山縣赤岸溪流經
 飛鳥會眾流入長江 方輿勝覽——江在——縣西南源出

潼川府銅山縣赤岸溪 方輿紀要廢一縣即今潼川府
治一江在州南西南源自中江縣銅官山會眾流繞牛山
山下又東南經射洪縣至遂寧縣界而合于涪江其合處
謂之一口 大清一統志一縣故城在今潼川府三臺縣
南一江水自中江縣界發源東流經縣南至逢溪縣入涪
江 水道提綱一江有三源合而東南流入涪江涪江自
此亦折向東也

新都

益州記蜀有三都謂成都廣都一一也 水經注洛水又
南逕一一縣與綿水合 又云金堂水一一縣東南流入
涪 後書第五訪傳注一一故城在今益州一一縣東

通典今益州一一縣漢舊縣故城在今縣東又簡州金水
縣亦漢一一縣地有銅官山漢文帝以賜鄧通鑄錢 寰
宇記今益州靈池縣本漢一一縣地 輿地紀勝故新都
縣去今金堂縣西十五里在今一一縣之東 方輿勝覽
今懷安軍金水金堂二縣即漢一一縣也 方輿紀要一
一舊城在今一一縣東二里法正依劉璋為一一今即此
大清一統志一一故城在今成都府一一縣東府志云
在縣東二里

甸氏道

李奇曰甸音賸 師古曰音食證反 十七史商榷按甸
古讀為乘又或音嗽 大清一統志一一故道在今階州

文縣西

白水出徼外東至葭明

屬本郡

入漢

海內東經白水出蜀而東南注江注云色微白濁今在梓潼白水縣源從臨洮西傾山來經沓中東流過陰平至漢縣入潛 宋書州郡志白水自西傾至陰平界氏居水上者爲白水氏 水經注白水出臨洮縣西南西傾山水色白濁東南流逕建陽郡東又東南逕白水縣故城東又南逕興武城東又東南於吐費城南注漢水 寰宇記白水在文州城外五十步源從故松州赤磨嶺流下扶州故

萬泉縣東至曲水縣界 禹貢雖指白水自洮州衛流經

文縣平武劍州至昭化縣東入西漢水此卽禹貢之桓水西傾之戎所因以來者也 大清一統志白水自徼外流

入陝西階州文縣南又東南流入四川保寧府昭化縣界

按此卽今之白水江本志誤指爲禹貢之桓水者也詳見蜀郡下 又按凡言徼外者皆謂去其郡縣之境不甚遠如廣漢郡甸氏道之白水剛氏道之涪水蜀郡旄牛之鮮水若水湍氏道之江水汶江之澱水越巂郡遂久之繩水青蛉之僕水益州郡雋唐之周水來唯之勞水牂柯郡西隨之糜水皆是張揖曰徼者塞也以木柵水爲蠻夷界也

過郡二

過武都廣漢二郡

行九百五十里莽曰致治

白水

續志劉昭注補山海經曰白水出蜀而東南入江郭璞曰

今在縣 水經漾水又東南至廣魏——縣西 又云羌

水又東南至廣魏——縣西 又云羌水又東南至廣魏

——縣與漢水合 水經注——又東南逕——縣故城

東即——郡治也 元和志今利州景谷縣本漢——縣

——一名羌水經縣西一里 九域志昭化縣有——鎮

大清一統志——故城在今保寧府昭化縣西北——

自陝西階州文縣流入縣西北又東南合嘉陝江

剛氏道

大清一統志古——在今龍安府平武縣東按剛氏為

涪水所出今涪水實出府西則府境為故——無疑元

和志通典惑于鄧艾傳之說遂以龍州為漢魏無人之地

後人又以府為漢陰平縣地皆誤

涪水出徼外南至墊江

屬巴郡

入漢

說文涪水出廣漢——徼外南入漢从水音聲字林涪

水一曰湔水 水經注涪水出廣漢屬國——徼外東

南流入墊江亦謂之內水逕涪縣西又東南與建始水合
 南流入于涪又東南逕江油戍北又東南逕南安郡南又
 西逕五城縣為五城水又西至成都入于江 方輿紀要
 涪江出松藩衛北九十里之小分水嶺東南流至綿州城
 東南亦謂之綿水又歷羅江縣東北亦謂之羅江水又東
 南至合州城東南與嘉陵江合又東南入于岷江 大清
 一統志涪江源山松藩廳北小分水嶺東南流至龍安府
 城南又東南經江油縣東又西南經彰明縣東又南入綿
 州東又東南入潼州府界經府城東又東南經射洪縣東
 蓬溪縣西遂寧縣東入重慶府合州界至川城東南與漢
 渠諸水合流即內江也 皇朝通志涪江出松藩廳東北

之小分水嶺東南流經龍安府治平武縣西北有白河馬
 來會又南經江曲縣東南又經彰明縣分流經城之左右
 而合有小江河即廉讓水來會又南有石板河自石泉縣
 合諸水來會經綿州東南有茶坪河自安縣來會又東南
 經潼川府三臺縣西北有中江水自中江縣來會經射洪
 縣北有唐橋溪來會又東有梓潼水自鹽亭縣來會又南
 有鄴江來會折東南有馬桑溪自蓬溪縣來會經遂寧縣
 東又南流有關箭溪合東至縣水安居場水來會經合州
 西南有立石河自水州碧山銅梁縣來會又東嘉陵江合
 渠河來會中南流至重慶府治巴縣西北折東流入于大
 江 水道提綱涪水出松藩衛東稍北之小分水嶺東南

流注平武縣西北又南經龍安府城西南折東南經古城
 南始曰涪江又東南至舊州東折西南經江油縣東南又
 西南至彭明縣又南折而東經綿州北又東南至三臺縣
 西北射洪縣北遂寧縣東又東北至合州西北折而南經
 州城西南嘉陵江合渠河自東北來會其源流幾及千里
 又東北至重慶府巴縣西北經府城北稍東入大江
 過郡二行十六十九里

過廣漢巴二郡

陰平道

水經注白水又東南逕——故城南又東逕——大城
 北蓋其渠帥自故城徙居也 元和志今文州西水縣本

漢————通典文州故氏羌之境漢開西南夷置——

屬廣漢郡 方輿勝覽鄧艾所出古——在今文州

直西五里平地其地與江油為隣唐吐蕃之難徙于高年

號曰文臺 方輿紀要——入蜀之間道也漢武開西

南夷置——屬廣漢郡設北郡都尉治此以其地隔礙

雍梁實為險塞也即今階州文縣是矣諸葛武侯既定陰

平北至武都謂全蜀之防當在于此其後鍾鄧入寇姜維

請備陰平橋頭以防未然後主不從遂及于難 又云陰

平橋在今文縣東跨白水上即所謂陰平橋頭也 大清

一統志陰平故城在今階州文縣西北

北部都尉治

按後漢安帝永初三年分廣漢蠻夷置廣漢屬國都尉治
此蓋爲秦蜀出入門戶也

莽曰摧虜

漢書地理志補注卷四十六

蜀郡

常熟 吳卓信 編纂

華陽國志蜀之先肇于人皇至黃帝爲子昌意娶蜀山氏
女生子帝嚳因封其支子于蜀世爲侯伯武王伐紂蜀與
焉 史記索隱蜀西南夷舊有君長其後有杜宇自立爲
王號曰望帝 方輿紀要蜀郡秦郡也今成都府龍安府
及邛雅二州是其地 按漢蜀郡今四川成都府之成都
華陽雙流新繁郫五縣及崇慶州雅州府之雅安榮經清
溪三縣及天全州茂州保汶川二縣邛州州治松潘廳皆
其地

秦置

史記秦本紀昭襄王六年蜀侯煇反司馬錯定蜀 又云
惠文王後九年司馬錯伐蜀滅之 水經注秦惠王二十
七年遣張儀與司馬錯等滅蜀遂置蜀郡 元和志秦惠
王八年滅蜀封公子通爲蜀侯于成都置蜀郡以張若爲
守因蜀山以爲郡名也 地理通釋蜀始見于牧誓秦惠
王伐蜀有其地 地理志稽疑蜀郡故蜀國秦惠文王後
十四年因之水經注以爲二十七年蓋前連十三年數之
也高帝始建國三郡之一武帝元鼎六年以笮都地置沈
黎郡天漢四年省入蜀郡西部又以丹驪地置汶山郡宣
帝地節三年省入蜀郡北部 按本書武帝紀元鼎八年
定西南夷以爲武都牂柯越巂沈黎汶山五郡考汶山郡
宣帝地節三年省并蜀郡惟沈黎郡紀志不合何時省并
據後書西南夷傳云笮都夷者武帝所開以爲笮都縣元
鼎六年以爲沈黎郡至天漢四年并蜀爲西部置兩都尉
一居旄牛至徼外夷一居青衣主漢人此可補本紀之闕
有小江入并行千九百八十里

宋祁曰南本改并作關亦未允

禹貢桓水出蜀山西南行羌中入南海

禹貢西傾因桓是來 孔氏正義據地理志所云則初發
西傾未有水也不知南行幾里始得桓水水經桓水出蜀
郡岷山西南行羌中入于南海注云禹貢岷嶓旣藝沱潛

既道蔡蒙旅平和夷底績鄭元曰和上夷所居之地也和
讀曰桓地理志曰桓水出蜀郡蜀山西南行羌中者也尙
書又曰西傾因桓是來馬融王肅云西治傾山惟因桓水
是來言無他道也予按經據書岷山西傾俱有桓水桓水
出西傾山更無別流所導者惟斯水耳浮于潛漢而遠江
沔故晉地道記曰梁州南至桓水西底黑水東限捍關今
漢中巴郡汶山蜀郡漢嘉江陽朱提涪陵陰平廣漢新都
梓潼犍爲武都上庸魏興新城皆古梁州之地自桓水以
南爲夷書所謂和夷底績也然所可當者惟斯水與江耳
桓水蓋二水之別名爲兩江之通稱矣鄭元注尙書言織
皮謂西戎之國西傾雍州之山雍戎二野之間人有事于

京師者道當由此州而來桓是隴坂名其道盤桓旋曲而
上故名曰桓是今其下民謂是阪曲爲盤也斯乃元之別
致恐乖尙書因桓之義非浮潛入渭之文予考校諸書緝
綜川流沿注之緒自西傾至葭萌入于西漢卽鄭元之所
謂潛水者也自西漢溯流而届于晉壽界沮漾枝津南歷
岡穴迤邐而接漢沿此入漾書所謂浮潛而逾沔矣歷漢
川至南鄭縣屬于褒水溯褒暨于衙嶺之南溪水支灌于
斜川届于武功而北達于渭水此乃水陸之相關川流之
所逕復不乖禹貢入渭之宗實符尙書亂河之義也 方
輿紀要墊江水卽階文之白水郭景純曰自西傾山東南
流入漢而至墊江故段國沙州記以爲墊江水卽禹貢之

桓水 禹貢錐指漢志蜀郡下桓水別是一水行羌中入南海不復經中國班氏指爲禹貢之桓水何其謬也酈道元云岷山西傾俱有桓水此亦爲班孔作調人耳桓字古有和音鄭康成讀和夷之和曰桓謂水上卽夷所居晉地道記云梁州之地自桓水以南爲夷書所謂和夷底績也依鄭說其所指者當爲漢之泚水唐之大渡河而謂此水卽西傾所因之桓水大非鄭旣破和爲桓其于因桓是來則又云桓是隴坂名其道盤桓旋曲而上故名曰桓支離舛錯殊不可通 地理今釋桓水一名白水出今陝西岷州衛東南分水嶺至四川保寧府昭化縣東入西漢水水道提綱白水江卽古桓水亦曰墊江源出邊外洮源東

南之西傾山源曰裴雜搭拉泉澤十數泐湧成一渠東南流入陝西邊經武都關東南西固所南與白龍江會水勢始盛又東南清江自邊外來會又東南至階州西南又東經州城南又東南經文縣東俗曰黑水江又東南入四川界經昭化縣北又東南有黃沙江合諸水來會合于嘉陵江 尙書後案地志于蜀山繫郡下不繫縣下蓋徼外山也元和志茂州通化縣本漢廣柔縣地蜀山在縣東北六里漢廣柔故城在今威州西唐通化縣今無可考大約在今茂州之保縣及威州界內蜀山在此爲桓水所自出則與前氏道徼外江水所出之岷山相連酈注云岷山西傾俱有桓水岷山桓水卽蜀山桓水也 新校地理志水經

桓水出岷山岷山卽蜀山也據此則桓水與江同源矣禹貢和夷底績鄭康成曰和讀爲桓桓夷者近桓水之夷也據此則是唐之吐蕃今之西藏矣然則桓水卽大金沙江歟 札樸南詔傳云夷語山陂陀爲和按開元末南詔逐河蠻取大和城貞元十年韋臯敗吐蕃克峨和城施浪詔居苴和城施各皮據石和城西爨有龍和城南詔碑石和子邱遷邱皆羌夷稱和之證 按禹貢之桓水卽廣漢郡甸氏道之白水亦卽墊江水也蜀郡之桓水自別是一水入南海者孟堅以當禹貢之桓水實大誤

莽曰導江

按王莽以公孫述爲導江卒正卽蜀郡太守也

屬益州

水經注地理風俗記曰華陽黑水惟梁州漢武帝元朔二年改梁州曰益州以新啓犍爲牂柯越雋州之疆壤益廣故稱益云初治廣漢之雒縣後乃徙此

縣十五

成都卹繁廣都臨邛青衣江原嚴道縣旆旄徙湔氐道汶江廣柔蠶陵

成都

史記河渠書秦昭王時蜀守李冰鑿離堆避沫水之害穿二江——之中此渠皆可行舟有餘則用灌浸百姓享其利注云任預益州記曰二江者卹江流江也 華陽國志

秦惠王二十七年張儀與張若城——周回十二里高七丈縣本治赤里街若徒置少城內府舍市肆與咸陽同制周地圖記武帝元鼎二年太城立九門少城立九門故有十八郭門之稱 水經注江水又東逕——縣縣以漢武帝元鼎二年立縣有二江雙流郡下故揚子雲蜀都賦曰兩江珥其前也風俗通曰秦昭王使李冰爲蜀守開——兩江溉田萬頃按——故城卽今縣治蜀王開明故都也秦置——縣舊有大城小城羅城羊馬城 括地志二江合於——城之東南岸曲有合江亭 元和志今成都府郭下——縣本南夷蜀侯之所理也秦定蜀因築城而郡縣之自秦漢至國初以來前後移徙十餘度所理不離

郡郭

南部新書蜀中傳張儀築——城依龜行路築之

寰宇記二江合流亦名錦江蜀人以水濯錦鮮明也

元豐——志二江舊皆從府西入城自唐高駢築羅城遂

從西北作麋棗偃塞故瀆更鑿新渠道外江繞城西而北內江繞城西而南下流仍合于舊渚舊渚者合江亭也

山堂雜論外江內江之名前後凡三見大江爲外水涪爲內水此不易者也湔水入雒爲外江流江入江爲內江此自成都府言之也郫江對大江而言則大江爲南江郫爲北江對流江而言則流江又爲外江郫爲內江此自——一城言之也流江實兼內外之稱各因所指立名似相雜而實不相溷也 方輿勝覽——蓋取史記所謂三年——

一之義 胡三省通鑑注成都有太城少城二城皆秦張儀所築儀既築太城後一年又築少城太城一一子城也少城惟西南北三壁東卽太城之西墉秦置蜀郡漢因之方輿紀要郫江在府城南十里大江之支流也亦曰汶江自灌縣分流經郫縣歷府城西折而南又東合于流江亦謂之內江又名石犀渠相傳李水導江穿渠作石犀者以厭水因名流江在府城北亦自大江分流由灌縣東北經新繁縣又東過府城北折而南至府東南十餘里合于郫江一名外江又名清遠江以合于郫江通謂之二江大清一統志一一故城卽今一一府一一華陽二縣治郫江自灌縣分大江東流經郫縣北又東入一一縣界繞城北而南與錦江合錦江卽流江也自郫縣西分流至府城東南合郫江折西南入彭山縣界舊統名爲二江亦曰都江 水道提綱一一府城環以沱江自北而東南者曰外江一名清遠江自北而經城西又東經城南者曰內江亦名石犀渠皆西北從郫江而分者也至城南外內二渠復合而西南流有新開合河北自郫縣之南溫江縣之北東南流來會又西南流百餘里入大江 又云自灌縣湔口支流分三道東南流其經郫縣北者卽郫江亦曰北江俗曰由子河至府城西北依城而東而南卽外江也其經郫縣南溫江縣北至犀浦南而東經府城西而東南者卽內江俗曰走馬河也其由郫江西南而東經溫江城北而東

江俗曰走馬河也其由郫江西南而東經溫江城北而東

南至府之南境會內外江而西南者新開河也 按封禪書云江水祠蜀括地志江陵祠在益州——縣南八里蓋秦并天下祀江于蜀漢初因之至宣帝始改祀于江都耳有工官

本書貢禹傳有三工官如淳曰一在蜀郡——晉灼曰舊時蜀郡工官作金馬書刀布刀

郫

蜀王本紀望帝治岷山下邑曰——積百餘歲 孟州記杜宇名蒲卑都于此秦因以——名邑至今不改 本書揚雄傳遡江上處嶠山之陽曰——華陽國志張儀與張若城——城周回七里高六丈上置樓觀射闌與成都同制 又

云李水壅江作壩穿——江檢江別支流雙過郡下 成都

記——縣出大竹土人截為筒盛酒謂之——筒酒 水經注

江水又東都逕——縣下 師古曰音疲 晉書音義音皮

後書臧宮傳注——縣故城在今益州——縣北 元和志

今成都府——縣本——邑蜀望帝所治也秦滅蜀因而縣之

不改故——城在今縣北五十步又溫江縣及彭州導江縣

並漢——縣地 集韻——縣名在蜀或作鞞 輿地紀勝成

都記云魚鳧治在導江縣則導江古魚鳧之國也 胡三

省通鑑注——即古卑邑古魚鳧氏治也為蜀王杜宇所都

秦相張儀始築城置——縣漢因之 大清一統志——縣故

城在今成都府——縣北

禹貢江沱在西東入大江

禹貢岷山導江東別為沱孔傳江東南流沱東行爾雅

釋水江為沱李巡曰江水溢出為沱郭璞注沱水自蜀郡

都安縣湔山與江別而東流河圖括地象新繁縣有繁

江首受一江即禹貢江沱也任預益州記一江者大江

之支也亦曰涪江亦曰湔水在蜀與雒水合水經注江

水歷都安縣李冰作大堰于此益州記曰江至都安堰其

右檢其左其正流遂東師古曰沱音徒何反括地志

新繁縣有繁江首受一江即禹貢江沱也唐書地理志

武后時彭州長史決唐昌沱江鑿川派流合壩口浪岐水

溉九隴唐昌田宋史河渠志阜江支流迤北曰都江口

置大堰疏北流為三日外應溉導江新繁達于金堂東北

曰三石洞溉導江九隴崇寧蒙陽達于漢之雒東南曰馬

騎溉導江崇寧一江成都華陽元史河渠志南江北江

皆自都江堰東行北舊無江李冰所鑿自離堆又東至三

石洞醜為二渠其一自上馬騎東流過一入于成都古謂

之內江今府河是也其一自三石洞北流過將軍橋又北

過四石洞折而東流過新繁入于新都古謂之外江此水

所穿二江也方輿紀要沱江在一縣西北十五里即李

冰所鑿大江別出處非禹貢江沱也自彭縣流經縣界入

華陽縣境即流江之上源成都人謂之外江也禹貢雖

指自漢以來皆以一江為沱水流江為大江水經所叙江

水自都安以至成都者考其源委皆流江也然流江實非大江江原縣鄴水近世謂之大卑江者則岷江之正流也而班氏以爲首受江故鄭康成云沱之類鄴與一俱爲沱而流江于是乎爲大江矣推尋事理李冰所穿之二江一是流江乃冰所創造一是江卽禹貢之沱時必淤淺冰復從而濬之遂并數爲二江茲二江者或稱內江外江或稱南江北江彼此參錯未知誰是其湔水不經成都縣界元史河渠志以郫湔爲冰所穿之二江大謬又云今一縣江陀亦名一江在成都府一縣北地理志今釋江陀在梁州者則今四川成都府一縣沱江是江在縣北六里一名一江至瀘州入大江至其上流爲成都府灌縣蔡傳所

謂永康軍導江縣也 四川通志大江經灌縣西三十三里分爲二派其一東南經崇慶州至新津者今謂之南江其一東遁灌城者今謂之北江卽禹貢江沱也北江又分爲三派其一東南經溫江過府城南入新津合大江者爲流江其一自灌縣寶瓶口直東入五斗口東北經新繁過府城北折而南合流江者謂之郫江其一自寶瓶口東北穿三泊洞又東北經新繁新都至漢州入雒者爲湔水 大清一統志沱江自灌縣南分大江東流經崇寧縣南一縣北又東經新繁縣南成都縣北又東經新都經金堂二縣南又東合湔水按宋史所謂外應卽沱江也三石洞卽湔水也馬騎卽流江也舊志謂江沱始于禹貢水經注以

爲開明所鑿寰宇記又專歸之李冰皆誤其言固是然禹跡難尋今所稱沱江者大抵皆後世所開以溉田約畧傳其舊名耳 水道提綱江至灌縣曰都江分爲二派其南流者王派也其東流經一縣新繁成都新都金堂南經簡州資陽資縣富順至瀘州復入大江者沱江也沱江會北來綿雜諸水而南入江曰中水是首受江尾入江也 水經注釋按漢志一縣下云禹貢江沱在酉東入大江顧宛溪云世或以成都內江外江爲沱水夫二江爲李冰所引非禹貢之沱也宛溪之說誠然且梁荆之沱有三蜀郡之汶江也一也南郡之枝江也汶江枝江俱無禹貢字而一獨有之何哉史記河渠書蜀守李冰鑿離雜辟沫水之害

穿二江成都之中注引任預益州記云二江者一江流江也華陽國志曰李冰壅江作壩穿江檢江別支流雙過郡下檢江卽流江水穿一江而爲二則水以前無支流可知何得以一江爲沱耶胡朏明則主一江云推尋事理李冰所穿之二江一是流江乃水所創造一是下江卽禹貢之沱時必淤淺水復從而濬之遂并數爲二江夫旣云二江皆水所穿則何以獨檢江爲水之創始而一江僅加疏濬耶此欲誣班志一縣下禹貢二字而不覺言之出于胸臆不可從也 尙書後案郭氏爾雅注云沱水自蜀郡都安縣湍山與江別而東流今成都府灌縣東有都安故城此卽漢志江沱後人謂之郫江郫水出自山源而下流爲

李冰所穿後人因其引此江與大江東雙過郡下遂目爲二江而皆以爲冰所穿其實冰所穿惟郫江也此江起今淮縣西南至雙流縣北岸合流江所行不過三百餘里源流短狹又與沱自江出之義不合也按蜀中外自李冰穿二江之後已變禹舊跡其源無可復考志以爲禹貢江沱鄭康成久駁之矣

繁

華陽國志一縣在蜀郡北九十里後書臧宮傳注一江名因以爲縣故城在今益州新縣北括地志一江水受郫江禹貢曰岷山導江東別爲沱源出益州新縣元和志漢一縣因一江以爲名後周改爲新一元統志

漢故一城在今九隴縣東四十里

大清一統志漢一縣

故城在今成都府新一縣東北府志云在今縣北二十里廣都

華陽國志一一縣在蜀郡西三十里漢武帝元朔二年置

有漁田鹽井之饒楊雄蜀本紀蜀王本治一一之樊鄉

後徙成都任豫益州記縣有望川源鑿石二十里引取

郫江水灌一一田云後漢所穿鑿者水經注江水又東

逕一一縣江北則左對繁田文翁又穿湔泐以灌溉繁田

一千七百頃後書岑彭傳注一一縣故城在今益州成

都縣東南隋志蜀郡雙流縣舊日一一仁壽元年改

元和志今成都府一一縣本漢舊縣又華陽靈池雙流三

縣亦一一地又陵州貴平縣亦一一之東南地 寰宇記
益州雙流縣本漢一一縣地 大清一統志一一故城有
二一在今華陽縣東南漢置自隋改縣曰雙流而此城廢
一在今雙流縣東南唐折雙流所置並屬成都府 又云
按隋志元和志俱謂雙流卽漢一一據章懷注參考岑彭
吳漢傳漢縣當在府東南江北岸但不知徙置在何時耳
寰宇記續通典謂唐縣在漢縣南十餘里則漢縣又當在
雙流縣界明統志謂漢城在唐縣北十五里晉城在縣北
十五里未知何據

莽曰就都亭

臨邛

史記貨殖傳卓氏曰吾聞汶山之下沃野下有蹲鴟至死
不饑乃求遠遷致之一一程鄭山東遷慮也富埒卓氏俱
居一一 華陽國志秦張儀與張若城一一周回六里高
五丈在蜀郡西南二百里 水經注江水又逕一一縣公
孫述爲導江卒正治此 水經注沐水又東逕一一縣邛
水注之 元和志今邛州一一安仁依政臨溪火井蒲江
諸縣並漢一一縣地 舊唐書地理志邛州依政縣秦蒲
江縣漢曰一一 方輿紀要一一廢縣今邛州治王莽改
蜀郡太守爲導江卒正治一一公孫述因以篡竊者也
大清一統志一一故城卽今邛州治州志云在州南五里
僕于水東至陽武

屬犍爲郡

入江

華陽國志——有布僕水自布僕來合文井江 水經注
江水又與文井江會李冰所導也自——縣東逕江源縣
與布僕水合布僕水出旄牛道又東至武陽天杜山下入
江 方輿勝覽布僕在——縣出椽界來合火井 元統
志白木水自邛州依政縣流入經天杜山下入江卽僕于
水也 寰宇通志布僕水在嘉定州邛縣西八十里發源
自獠界卽古之濮也 大清一統志文井江在今成都府
新津縣南自邛州流入大江卽古僕于水也今名南河布
僕水在州西南八十里自天全土司界流入合南河

布僕水卽僕于水文井江本作火井江卽火井也

過郡二行五百一十里

按過蜀犍爲二郡

有鐵官

徐廣曰——出鐵 華陽國志——有古石山山出石鑛
大如蒜子火燒合之成流支鐵甚剛因置鐵官有鐵桓廟
元和志今邛州臨溪縣東十九里有孤石山山有鐵鑛
歷代因置鐵官焉 唐書地理志——有鐵臨溪縣有鐵
官 九域志惠民局在邛州南六十里咸平四年置鑄鐵
錢

鹽官

華陽國志漢地節中穿臨邛蒲江鹽井二十所增置鹽鐵
 官 蜀都賦注火井在——縣西南火井鹽井也欲出其
 火先以家火投之須臾許隆隆如雷聲爛出通天光耀十
 里以笥盛之接其光而無炭也取井火還煮井水一斛水
 得四五斗鹽家火煮不過二三斗鹽耳 博物志——有
 火井縱廣五尺深二三丈在縣南百里昔人以竹木投之
 取火後人以家燭火投井中火即滅絕不復燃 水經注
 ——縣有火井鹽水昏夜之時光興上照 元和志今鹽
 井距蒲江縣二十里 舊唐書地理志蒲江火井有鹽
 寰宇記靜邊井在火井縣西四十里出鹽 元史食貨志
 邛州有二鹽井宋時地震鹽水湧溢州民願作什器煮鹽

而輸課於官詔四川鹽運司主之今廢

莽曰監邛

青衣

史記彭越傳上赦以為庶人傳致蜀—— 應劭曰——

順帝更名漢嘉 續志漢嘉故——陽嘉二年改 華陽

國志高后六年開——天漢四年罷沈黎郡置兩部都尉

一治旄牛主外羌一治——主漢民 水經注——縣故

——羌國也竹書紀年梁惠成王十年瑕陽人自秦導岷

山——水來歸漢武帝分沈黎郡置西部都尉治——主

漢民公孫述之有蜀也——不服世祖嘉之建武十九年

以為郡安帝延光元年置蜀郡屬國都尉——王子心慕

漢制上求內附順帝陽嘉二年改曰漢嘉嘉得此良臣也
大清一統志後漢漢嘉故城在今雅州府雅安縣北本
漢——縣

禹貢蒙山谿

禹貢蔡蒙旅平正義蒙山在蜀郡——縣蔡山不知所在
南齊書劉峻傳蒙山近青衣水南去南安二百里 水
經注沫水出岷山西東流過漢嘉郡南流衝一高山其山
上合下開沫水逕其間卽蒙山也溷崖水脈漂疾歷代爲
患蜀都太守李冰發卒鑿平溷崖通正水路 括地志蒙
山在嚴道縣南十里 元和志蒙山在雅州嚴道縣南十
里今每歲貢茶爲蜀之最 寰宇記蒙山在名山縣西七

十里北連羅繩山南接嚴道縣山頂全受陽氣其茶芳香
茶譜言山有五嶺出中頂上青峯者所謂蒙頂茶也唐天
室寶六年改名始陽山 方輿勝覽禹貢梁州之山有四
岷嶓蔡蒙西山皆岷北山皆嶓南山皆蒙峨嶓在禹貢則
蒙山之首云 方輿紀要蔡山在雅州東五里禹貢蔡蒙
旅平卽此蔡山也巖巒高聳爲州之望東十里有地名旅
平鄉大禹旅祭處俗呼爲落平蒙山在名山縣西十五里
有五峯禹貢蔡蒙旅平卽此蔡山也 地理今釋蔡山葉
少蘊謂卽周公山在今四川雅州東五里蒙山在今雅州
名山縣西五里接雅州及蘆山縣界 大清一統志蒙山
跨雅安名山蘆山三縣及邛州之境

大渡水東南至南安

屬犍爲郡

入澗

蜀都賦注沫水出汶山之西東流過漢壽縣南流有高山
上合下開水經其中曰沫水 水經沫水出廣柔徼外東
南過旄牛縣北又東至越嶲靈道縣出蒙山南東北與青
衣水合東入于江青衣水出青衣縣西蒙山東與沫水合
至犍爲南安縣入于江注云青衣縣有蒙山沫水逕其間
青衣水亦發于此東逕其縣與沫水會合爲一川自下通
謂之爲青衣水又東逕平鄉謂之平鄉江又東逕峩眉山
又東流注于大江 元和志青衣水一名平羌水經洪雅

縣南一里又逕夾江縣南又逕龍游縣南又浮圖水一名

車廬水經蘆山縣西南五里又羅帶水經縣東五十步又

平羌水經嚴道縣東二里 寰宇記浮圖水從生羌界來

經嚴道入洪雅縣界亦曰青衣水又入渡水亦從生羌界

來流入浮圖水 又云龍游縣在大江之西卽青衣水合

江之所青衣水濯衣卽青故名 又云大渡河一名沫水

在通望縣南十五里自吐番逕雅州諸部落至黎州東流

入縣界 方輿勝覽青衣水以縣名一曰蒙水以山名又

曰大渡以谿名又曰雅江以州名 又云大渡河于黎州

爲南邊要害之地唐時大渡之戍一不守則黎雅邛嘉成

都皆擾 建隆三年王全斌平蜀以圖來上議者欲因兵

威復越嵩藝祖以玉斧畫此河曰外此吾不有也于是爲
黎之極邊曩時河道平廣可通漕舟自玉斧畫河之後河
之中流忽陷下五六十丈河流至此澎湃如瀑從空而落
春鐘怒號波濤胸湧船筏不通名爲噎口殆天設險以限
蠻夷也 地理通釋大渡河一名羊山江源出鐵豹嶺其
顛卽岷山羊膊嶺之異名也 明統志青衣水源出蘆山
東南流至雅州界合沫水又大渡水在蘆山縣北四十里
邛縣蘆山往來必渡此水故名大渡東南流入南安縣界
又云大渡河一名陽江源出吐蕃經黎州城南九十里
東注嘉定入于江 方輿紀要青衣水出雅州蘆山縣東
九里之蘆山由雅州西境東北流逕名山縣南而入洪雅
縣界歷眉州之舟稜縣東南流逕州南又歷青神縣東南
而入嘉定州夾江縣界又東至州西而合于陽江卽大渡
河也又東入于大江舊志云沫水亦出蘆山合于青衣故
青衣兼有沫水之稱而大渡河下流曰陽江亦名沫水則
沫水又青衣大渡之通稱矣 又云大渡河出雅州西北
生羌界一名沫水史記司馬相如除邊關益斥西至沫若
水此卽沫水也流經雅州蘆山縣北又西南流逕黎州所
西折而東南經越嵩衛北境東流入嘉定州界歷峨眉縣
南至州城東南而入于大江 禹貢錐指青衣水自蘆山
縣北東流入雅州與沫水合沫水自威州徼外東南流經
天全六番招討司西北又東南經蘆山至雅州東青衣水

注之又東經洪雅夾江峩眉至嘉定州會涿水入大江二水本異源酈道元云蒙山卽大渡水據下流合處言之耳

四川通志龍門河源出天全司北九天山大川冷真三處曰魚喜河南流七十里至蘆山縣城南又四十里至雅州界俗名雅河 又云大渡河自黎大所野夷界至中鎮入峨眉縣土人又名中鎮河經縣西南一百四十里凡一百二十里入嘉定州界爲陽江至州西南合青衣水又東北流十五里至州東南合岷江 大清一統志青衣江自雅州府天全州及蘆山縣發源至縣南合流又東南逕府北又東南入嘉定府經洪野縣南又東南經來江縣西南又東南經府城西合大渡水入江名平羌水又名洪雅江

卽古大渡水也

又云大渡河源出吐番自鐵口野夷流

入與野州府清溪縣接界又東逕鬼皮落野夷入峩眉縣界水勢浩大烟瘴特甚 又云大渡河自茂州西南徼外

發源經打箭爐界流入與越嵩衛分界又東入峩眉縣界卽古涿水也 又云陽江卽大渡河自夷界流入經嘉定

府峩眉縣南界又東逕樂山縣界至府城西南合青衣水入江 又云按水經青衣水出青衣縣漢青衣縣爲今雅

安蘆山地武帝罷沈黎郡置兩都尉一治旄牛一治青衣是水由今蘆山歷雅安西境北入洪雅界又東南入夾江

又東至東山縣西合于陽江卽大渡河下流也 又云按

輿圖大渡河源發自茂州西南徼外大小金川司界經邛

州大邑縣之西北有數道合流西南流過上下魚通若西
打箭爐東界經瀘定橋沈邊土司界凡六百餘里而至清
溪縣西又南百餘里折而東流逕越雋廳北界清溪縣南
界又東入峩眉縣界 又云按輿圖青衣江上源有東西
二派西派出自天全州北界木坪司土有四水會流東南
至蘆山縣南卽水經之沫水元和志之浮圖水舊志之魚
喜河也東北出自蘆山縣東北邛州西界伏牛山旁有三
水會流而南經縣東至城南與西派合卽水經之青衣水
元和志之羅帶水寰宇記明統志之大渡水舊志所謂龍
門河一派在邛州九子山發源者也二水會于縣城之南
又會西來之和水又南會榮經縣之榮經水折而東經府

城北又轉東入洪雅縣界自蘆山以北曰龍門河縣以南
曰多功河雅州以下曰青衣江隨地異名實卽一水也據
漢志本以青衣水爲大渡水水經注則以旄牛徼外之鮮
水爲大渡水唐宋以後又以澱水爲大渡水而青衣縣所
出止名爲青衣水矣究當以漢志爲正 水道提綱陽江
卽大渡河源自權縣西南境大邑縣邛州西北境霧中圓
覺牛心三山以西諸山數水西南流經小金川司大金川
司南北川司南北合數小水至上下魚通曰大渡河又南
折而西有瀘河有打箭爐來會越雋瀘河源出西南大雪
山三池泉水匯而北流又東北至大岡北與大渡河會折
而東南又西南受諸水又東南與越雋河自西南來會越

雋河源出越雋衛南山北流經會東又合諸水又東北會大渡河大渡河又東南流經峩眉縣西南合諸水又東北至嘉定府西南有青衣江自西北水會青衣江源出蘆山縣東蘆山今日伏牛山數水合西南經縣東又折而南經飛仙閣至雅州府西境合榮經水榮經水出榮經縣東南瓦屋山二源合而西北流至城東北曰周公水俗曰長濱河青衣江既會榮經水東流逕雅州府城北又東南逕名山縣南有百丈山及蒙山水來注之又東南至洪雅縣南又南至夾江縣西又東南始名青衣江經峩眉縣東又東南有三峩水自西北合而來會三峩水有三源合而曰羅目江又東會青衣江青衣江又東南經嘉定府西境而陽江自西南來會陽江卽大渡河也既會青衣江于城西又東流逕城南東至烏尤山下入大江接大渡河自北而西而東而東北曲行凡一千五百里 段玉裁說文注漢志青衣縣下有太渡水而無青衣水蓋今之青衣水班所謂大渡水也今之大渡河班所謂澉水也凡水以互受而名亂舉如是矣且地理志不言沫水但言大渡水入澉澉水至南安入江水經華陽國志張揖注漢書皆云沫水與青衣水合入江然則諸家云沫水與青衣水合者卽班志之大渡水與澉水合也

江原

隋志蜀郡晉原縣舊曰一一後周改名焉 元和志今蜀

州晉原青城唐興三縣及邛州大邑縣並漢一一縣地名勝志今成都府崇慶州在漢日一一以江水所由也莽改日邛原以與臨邛近也州東三十里有一一鎮即漢縣治所 大清一統志一一廢縣在今成都府崇慶州東南鄜水首受江南至武陽

屬犍為郡

人江

說文鄜蜀一一地从邑壽聲 應劭曰鄜音壽鄭康成尙書注地理志蜀都郫縣汶江及漢中安陽皆有沱水潛水其尾入江漢耳首不于此出也一一有鄜江首受江南至武陽入江豈沱之類歟 水經注江水東別為沱歷都安

縣又逕臨邛縣又逕一一縣鄜江水出焉水出一一縣首

受大江東南流至武陽縣注于江江水又與文井江會文井水又東逕一一縣縣濱文井江江上有長隄隄跨四十里有朱亭亭有南青城山山上有嘉穀山下有蹲鴟即芋也食之不饑 元和志鄜江一名阜江蓋鄜音轉為阜耳

寰宇記鄜江一名阜里水自青城縣南流逕温江縣入

一一縣界 方輿紀要鄜江在崇慶州北五十里自廢青城縣東南流經州境又東入温江縣界入于阜江 禹貢

錐指一一縣鄜水近世謂之大阜江者岷山之正流而班氏以為首受江故康成云沱之類 成都府志大阜江本

岷江正流自離堆鑿後始以流江為正流而以此為南江

大清一統志按自漢以來皆以李冰所鑿經成都者爲大江其南流者曰郫水轉謂之入江漢志云江原縣郫水首受江南至武陽入江是也元和志以郫江卽阜江與溫分爲二又與流江互稱大江寰宇記訛稱郫爲郫其源流皆未明晰宋元以來始專以阜江爲正源近時南流數道有金馬洋馬白馬諸名而阜江之名又混以今考之江水自汶川縣經灌縣俗呼沫江經縣城西東南流東分爲沱江稍南分一支入崇慶州界其流又分二派一經州東爲白馬河一經州西爲西河卽沫江也江水又東南東分爲油子走馬二河卽成都之二江也其南分者曰洋馬河亦入崇慶州界江水又東南至溫江縣西爲金馬河南流入

新津縣金馬河之東又分一支歷溫江縣南雙流縣西爲楊柳河楊柳河之東又分一支經雙流縣城西數派分流皆會于新津東北又南入眉州彭山縣界與成都之二江會舊志或以白馬河爲阜江或以洋馬河爲郫江按諸派中惟金馬河在溫江縣西與元和志合新津縣志云岷山正派曰金馬河自溫江縣東南流經雙流縣西又二十里經縣北界又南二十里合洋馬河西河至縣東門界外又合南河又五十里入彭山縣界據此當以金馬河爲阜江正流也地理志稽疑汶江縣之沱爲開明所鑿郫縣之沱是湔壩江李冰所堰皆非禹迹也顧祖禹嘗疑之而不能指沱之所在豈益州無沱水平子謂江水篇都安縣下

注云鄴江水出焉武陽縣下注云鄴江水入焉鄴江出江入江與沱義合胡東樵亦云江原縣鄴江水近世謂之大阜江者岷江之正流而班氏以為首受江故鄭康成云沱之類以此當禹貢梁州之沱或庶幾焉

莽曰邛原

嚴道

本書文帝紀六年冬淮南王長謀反廢遷一一死 又佞幸傳賜鄧通蜀一一銅山得自鑄錢 蜀本紀許由之友嚴儂所隱故名 華陽國志秦始皇滅楚徙嚴王之族以實其地因名一一後徃徃徒罪人于此 南齊書劉峻傳蒙山南有故掘銅坑即漢文帝所賜鄧通銅山也 括地

志今雅州所理一一縣秦昭王相嚴君疾封于此故縣有是稱 元和志今雅州一一百丈名山廬山榮經五縣並漢一一縣地 又云銅山在榮經縣北三里即文帝賜鄧通者後以山假與卓王孫歲取千疋今出銅鑛 方輿紀要一一廢縣即今雅州治一一山在州南五里銅山在榮經縣東北三十里 大清一統志一一故城即今雅州府榮經縣治

邛來山邛水所出東入青衣

本書王尊傳先是王陽為益州刺史行部至邛崃九折坂歎曰奉先人遺體奈何數乘此險及尊為刺史至坂叱其馭曰王陽為孝子王尊為忠臣 中山經來山江水出焉

東流注于大江郭注邛來山今在漢嘉——縣南江水所
自出也 華陽國志雅州邛崃山本名邛笮山故邛人笮
人界也山巖阻險回曲九折乃至山上凝冰夏結冬則劇
寒 水經注青衣水又東邛水注之水出漢嘉——邛來
山東至蜀郡臨邛縣東入青衣水 又云崃山卽邛來山
南有九折坂 元和志邛來山在今榮經縣西五十里山
出竹高節實中堪爲杖名邛竹因山以爲名也邛來水東
流經縣北三里 寰宇記榮經水在榮經縣東一里出—
—青山下入縣界 方輿勝覽邛崃山在今黎州北本名
邛笮乃邛人笮人界也邛人自蜀入度此山故名邛崃又
有邛崃關距州七十里 明統志榮經水在榮經縣北曰

榮火水南曰經水出瓦屋山榮水出相公嶺又長瀆江在
州城東二里一名邛水其源自邛來山噴湧流出繞城東
北入平羌江又周公水在州東四里其源自瓦屋山流經
周公山因名 名勝志張騫自河源歸來得高節竹植于
邛山故名邛來其山自沈黎直走千里至臨邛還抱爲鎮
山圖經云山曰邛來浸曰邛水民曰邛民毛曰邛竹矣
大清一統志邛來山在今榮經縣西南邛水卽榮經水自
榮經縣東南發源至縣西北會流又北至雅安縣西入青
衣按輿圖榮經縣西南近青溪縣界有五水並發至縣西
會流卽榮水也經水源出縣東南瓦屋山西北流經縣東
至城北與榮水會流總名榮經水又正北流至雅安縣西

會西來之一水折東流入青衣江蓋榮水卽明統志所謂長濱江經水卽周公水既會之後未嘗復分至府西卽入青衣亦不經其東境舊志名稱紛錯與今水道多不合水道提綱榮經水出榮經縣東南尾屋山二源合而西北流曰周公水卽經水也至城東北有水西南自黎大所北山三源東北流合經城西與西北來之榮水會而東北合焉俗曰長濱河入青衣江

有木官

蜀都賦注引作橘官

元和志雅州貢落雁木

莽曰治嚴

縣虜

應劭曰虜音斯 華陽國志——縣故屬汶山郡 元和志今茂州汶川縣本漢——縣地虜音夷北至茂州一百里 名勝志今崇慶州汶川縣漢之——縣地釋名虎有角曰虜行水中以地有此獸故名 大清一統志梁汶川故城卽漢——縣在今茂州保縣南

玉壘山

蜀都賦包玉壘而爲宇劉淵林注玉壘山名在成都西北汶山界在後故曰宇也 華陽國志玉壘山出碧玉 郭璞江賦玉壘作東壁之標 元和志玉壘山在今彭州導江縣西北二十九里茂州汶川縣東北四里 輿地紀勝今永康軍城外有玉壘關 方輿勝覽玉壘山在今茂州

汶川縣東四里永康軍道江縣西北二十九里 方輿紀
要玉壘山在灌縣西北三十里 大清一統志玉壘山在
今成都府灌縣西北茂州保縣治

湔水所出東南至江陽

屬犍爲郡

入江

說文湔水出蜀郡——玉壘山東南入江从水前聲 應
劭曰湔音子干反 華陽國志杜宇稱帝于蜀其相開明
決玉壘以除水害卽湔江也其後文翁穿湔江口溉灌繁
田千七百頃 水經注湔水出縣道縣玉壘山呂枕云一
曰半浣水也下注江蜀相開明所鑿 方輿紀要湔水在

灌縣西南三十三里亦曰都江亦曰湔壩江卽古之離堆
也經崇經彭縣新繁新都至漢州南會于雒水 大清一
統志清白江自灌縣南分沱江東流經崇寧縣北又東逕
彭縣南新繁縣北又東逕新都金堂二縣北至漢州東南
折而南流與雒水沱水會入簡州界自彭縣以西俗名渡
船河彭縣以東曰清白江自金堂縣以下曰中江卽古湔
水也 又云按縣湔雒諸水皆會于中江俗以沱爲前江
雒爲後江湔爲中江蓋本之漢志以湔爲正流元和志云
中江在金堂縣東北一里是也水經注則以雒爲正流土
俗稱爲雁江則又以漢州之沱西犀金雁二水爲正流要
之中江所合之水甚多不必專主一水也

過郡三行千七百九十里

按過蜀犍為二郡三字疑誤

旄牛

周書牧誓庸蜀羌髳微盧彭濮人 後漢書西羌傳羌無

弋爰劍子孫各自為種或為髦牛種越雋羌是也 華陽

國志——縣旄地也在邛崃山表邛人自蜀入度此山甚

險難南人壽之故名——水經注沫水東南逕——縣北

元和志今黎州漢源通望二縣並漢——縣地 寰宇

記通望縣有故——城俗呼為牛頭城語訛也 輿地紀

勝——山在廬山北其山最高四時積雪 方輿紀要——

——廢縣在雅州榮經縣西 大清一統志——故城在今

雅州府清溪縣南周初有髳人從武王伐紂後為羌地漢

初置縣于此 段玉裁說文今四川雅州府清溪縣大相

嶺之外有地名——產——而清谿縣南抵寧遠府西抵

打箭爐古西南夷之地皆產——郭璞注山海經云背邠

及胡尾皆有長毛者小角其體純黑土俗用為裘其尾腊

之可為拂子 按續志亦作——無道字水經注作——

道誤也

鮮水出徼外南入若水

按鮮水即今西海也詳見金城郡臨羌縣

若水亦出徼外南至大柞

屬越雋郡

入繩

卷四十六

史記五帝紀黃帝二子其二曰昌意降居若水 又司馬相如傳相如畧定西南夷除邊關西至沫若水口又關沫若口山海經南海之內黑水青水之間有水名曰若木若水出焉 水經若水出蜀郡——徼外東南至故關爲若水南過越嵩邛都縣西直南至會無縣淹水東南流注之又東北至犍爲朱提縣西瀘江水注之又東北至犍道縣入于江 水經注若水沿流間關蜀土東南流鮮水注之一名州江大渡水出徼外至——道南流入于若水據司馬相如傳是若水故有關也 元和志瀘水在西瀘縣西一百十二里諸葛亮五月渡瀘卽此水也水峻急而多石土人以牛皮作船而渡一人勝七八人 明統志打冲河在打冲千戶所治西蠻名黑惠江又名納夷江源出吐蕃下流合金沙江 方輿紀要瀘水出黎州所西徼外其源曰若水下流曰瀘水流經建昌行都司南又南逕會川衛西而入金沙江其水深廣多瘴癘夏月尤甚故諸葛武侯以五月渡瀘爲艱 禹貢錐指若水在今建昌衛俗名打冲河自冕山營西徼外東南流至會西鹽井營東南與雲南金沙江合鹽井營東南卽漢大柞縣界繩若合流處若爲建昌衛西之打冲河繩則姚安府北之金沙江也 地理今釋打冲河出自西番界東崑崙東南百里二源同發名查褚必拉蒙古謂之七察兒哈那平地水泉數十泐沮

泐威沸散若列星滙而南流有支河十二道左右流入之
至古對按撫司入四川界南流東折繞鹽井營之東北入
南至烏喇猓渠入金沙江 大清一統志若水源出西番
經寧遠府冕寧縣西界折東流經西昌縣西南又轉南經
鹽源縣東又南至會理州西合金沙江亦名瀘水俗名打
冲河 又云瀘水卽古若水俗名打冲河上流曰鴉龍江
源出西番東南流逕寧遠府西昌縣鹽源會理州與金沙
江合又東北經雲南之東川昭通二府至叙州府合岷江
又云按若水上流今名鴉龍江發源西番界巴延喀喇
山東南流千餘里至鹽源縣西北有打冲小河自西流入
焉自下始名打冲河折東流二百里又折南流三百餘里
會金沙江自此以下今皆謂之金沙江又按水經注瀘水
在朱提界武侯渡瀘在其地蓋卽今之金沙江今打冲河
在蜀西南徼非入滇必經之道自唐宋以來始專以若水
爲瀘水然元和志又云嵩州西至東瀘水二百里南至瀘
渡四百五十里蓋以若水在金沙江東北故別之爲東瀘
渡在二水合流之下是猶以金沙江爲瀘水之正派也明
統志以孫水爲瀘水尤誤 又云鴉龍江在今雅州府打
箭爐西南二百八十里與裡塘分界自番界流入南經瞻
對喇滾二土司境又南入雲南中甸及寧遠府冕寧縣界
卽古若水也

過郡二

按過蜀越雋二郡

行千六百里

劉奉世曰里數蓋誤

徒

史記大宛傳天子發間使出驩出冉出邛僰 又西南夷

傳自雋以東北君長以什數一在都最大服虔曰一在都

二國名李奇曰一音斯 本書司馬相如傳西夷邛笮冉

驩斯榆之君皆請為臣妾 韋昭曰一縣在蜀笮縣在越

雋 華陽國志一縣出丹砂雄雌黃空青青碧 輿地廣

記今周公山始陽鎮本漢一縣屬蜀郡晉曰一陽屬漢嘉

郡西魏曰始陽唐以為鎮 輿地紀勝始陽鎮在今蘆山

縣西四十里路通西羌即漢時一縣也 方輿紀要廢一

縣在雅州南 大清一統志一縣廢縣在今雅州府天全

州東 按史記曰一漢書曰斯榆皆即此蓋斯徒聲相近

古字通用蜀志張嶷傳有斯都耆帥李冰殺越嘗太守龔

祿亦即此

湔氏道

史記將相年表孝惠三年蜀湔氏反擊之 水經注江水

東經氏道縣北縣本秦始皇置晉改為昇遷縣也 師古

曰湔音子先反氏音丁奚反 名勝志今成都府温江縣

後魏時始立在漢曰一一 方輿紀要湔氏廢縣在今

茂州西北 大清一統志古一一一在今松藩廳西北

禹貢嶧山在西徼外江水所出東南至江都
屬廣陵郡

入海

禹貢岷山導江 又岷山之陽至于衡山 又岷嶓既藝
史記封禪書自華以西名山七一日瀆山蜀之汶山也
本書成帝紀元延三年蜀郡岷山崩壅江三日江水竭
說文山部嶠山在蜀湔氏西徼外水部江水出蜀湔氏徼
外嶠山人海 中山經岷山江水出焉東北流注于海郭
注岷山今在汶山郡廣陽縣西一名瀆山大江所出 苟
子江出汶山其源可以濫觴 河圖括地象岷山之精上
為井絡帝以會昌神以建福故書曰岷山導江泉流深遠

盛為四瀆之首 三國蜀志秦宓曰蜀有汶阜之山江出
其腹 華陽國志岷山一名沃焦山其跗曰羊膊江水所
出 任預益州記大江泉源即今所聞始發羊膊嶺下緣
崖散漫小大百數殆未濫觴東南下百里至白馬嶺而歷
天彭關亦謂之天彭谷 李膺益州記羊膊嶺水分二派
一東南流為大江一西南流為大渡河 水經注岷山在
蜀郡氏道縣即瀆山也又謂之汶阜山在徼外江水所導
秦昭王以李冰為蜀守冰見氏道縣有天彭山兩山相對
形如闕謂之天彭門亦曰天彭關江水自此已上至微弱
所謂發源濫觴者也 隋書地理志汶山郡左封縣有汶
山 十道志劍南道名山曰岷山 括地志岷山在益樂

縣南連綿至蜀幾二千里 通典甘松嶺江水所發源
寰宇記羊膊山在平康縣山下有二神湫大江始發之所
范成大吳船錄江源自西戎中來由岷山澗壑中出而
合于都江今世所云止自中國言耳 集韻豁或作愍岷
嶧汶 陸游入蜀記嘗登岷山欲窮江源而不可得蓋自
蜀郡之西大山廣谷谿訝起伏西南走蠻箐中皆岷山也
則江所從來遠矣 輿地廣記汶山在茂州汶山縣西北
俗謂之鐵豹嶺禹之導江發跡于此汶古作岷字 地理
通釋大渡河一名羊山江源出鐵豹嶺嶺卽羊膊之異名
也 金履祥尙書注岷山數百峯大西山爲最大雪山三
峯闔其後冬夏如爛銀一谷名鐵豹嶺者有西岳廟廟下

名羊膊石江水正源也其西南分一源又爲大渡河矣
方輿紀要岷山在成都府茂州西北五百里徼外地名列
鷲村一名鐵豹嶺一名沃焦山其附曰羊膊江水所出其
山直上六十里嶺最高者遇大雪開泮俯見成都杜光庭
曰岷山連峯接岫千里不紀劉昫曰岷山連嶺而西不知
紀極陸游曰嘗登岷山欲窮江源而不可得蓋自蜀境之
西大山廣谷谿訝起伏西南走蠻箐中皆岷也則江所從
來遠矣 又云岷山盤回千里重崖蔽虧江源其間旋繞
隱見莫測其端不若漢源之顯易也近代有創爲迂誕之
說者謂江源亦出崑崙崙好事者復爲之附會以實其說陋
矣 又云今自四川松茂以北接陝西洮岷之境羣山錯

雜其間谷之水皆奔湊而南合爲大江然則江源本無正流禹貢以岷山表識之而江源可以依據此聖經之文所以爲不可易歟 禹貢雖指岷山最大志家各就其所言之觀漢志云山在徼外則固不可以湔氏一縣限之矣大抵岷山北起于溢東實跨古雍州之境而南則訖于青城綿地千餘里與太行伯仲或專指在松藩亦非篤論然大江所出則必直氏道西徼外者也 又云岷山廣遠而江水所出必有定處近世無能窮其源者據漢志言江水出——西徼外則當以酈注所引任預益州記爲正自晉以下說江源者皆云出羊膊嶺與益州記同羊膊嶺一名鐵豹嶺計益州記江水發源自羊膊嶺東南下二百餘里

至西陵又南下二百四十里至汶山故郡卽今茂州是也然則江源在茂州之西北去州四百四十餘里亦可謂遠矣而范至能陸務觀乃云江源出西戎不可窮極蓋以唐人言江源自松州甘松嶺始而當時又有謂羊膊嶺在茂州列鵝村者其地太近故爲是說非謂江源更在羊膊之外也近志因江源記云岷山發源于臨洮木塔山山頂分東西流南流八百里經甘松嶺又南經漳臘堡西其水漸大復經鐮刀灣達松藩下水關臨洮今陝西洮州衛也在松藩之東北江源果發此則又自東北而來與氏道西徼外之岷山相去懸絕爲此說者蓋因隋志云岷山在臨洮郡臨洮縣括地志云岷山在岷州溢東縣見有一水自木

塔山東入江者遂以爲江水發源彼中明與漢相背無稽之言不可從也 地理今釋岷山跨古雍梁二州自陝西鞏昌府岷山衛以西大山重谷谿笭起伏西南走蠻箐中直抵四川成都府之西境凡茂州之雪嶺灌縣之青城皆其支脈而導江之處則在今松藩衛北西番界之浪架嶺漢志所云在——西徼外是也 又云江水源出今四川松藩衛北西番界有三支正支自浪架嶺南流東支自弓楨口至漳臘營合正支西支自殺虎塘至黃勝合正支南經茂州威州汶川縣以至灌縣灘堆岐爲數十股滂沱南下左抱成都府西環崇慶州衆流以次會于新津縣南又南行逕眉州嘉定州至叙州府東南合金沙江折而東

北經至重慶府嘉陵江涪江自北來合流入之又東北逕夔州府巫山縣入湖廣界東流至夔陵州東南流至枝江縣又東流至荊州府折而南流至石首縣又東流至監利縣又南流至岳州府折而東北流至武昌府與漢江合又東流至黃州又東南入江西界至湖口縣與贛江合又東北入江南界逕江寧府至揚州府通州入海 大清一統志岷山在今松藩廳西北一作汶山大江自徼外流入南逕廳城又南經疊溪營西又南入茂州界一名汶江亦曰岷江俗名藩州河按輿圖今江源在黃勝關外西北有東西二派在東者出岡出山東南曲流百里許在西者出那哥多母精山東南流二百餘里合流又百里許入黃勝關

岡出卽舊志所名滴漏那哥卽浪架也二山之北又各有一派出岡出山者名多拉崑都崙出那哥山者名多母打禿崑都崙皆西北流數百里合流滙衆山溪水入黃河卽舊志之出竈溝元史河源附錄所名乞兒馬出二水也

又云舊志云岷江亦曰汶江亦曰都江亦曰外水其在州郡城邑間者往往隨地立名而都江外水則岷江之通稱也 又云金沙江古名麗水一名神川一名犁牛河番名木魯烏蘇東北流九百餘里至那木唐龍山北轉東南流八百餘里入喀木境名布拉楚河又南流少西八百餘里至巴塘西六十里名巴楚河又轉東南流六百餘里至雲南麗江府界爲金沙江自麗江府雪山之北折而東南經

永定武定二府至四川會川衛西南入四川界與打冲河合折東北經東川府西馬湖府南至叙州府與川江合自發源起至入內地流四千餘里受大水數十小水無數源深流急沿江烟瘴最多以江出沙金故名唐書南蠻傳貞元五年南詔異牟尋大破吐蕃號難磨濱犁牛河土多黃金又地理志渡西月河二百一十里至多彌國西界又經犁牛河渡藤橋百里至列驛明統志金沙江古名麗水源出吐蕃界犁石下名犁水訛犁爲麗經巨津通安保山三州按犁石者以其石如牛也其水因之得名故有犁牛之稱舊志謂此卽古若水不知若水卽今鴉龍江其下流名打冲河非金沙江也或謂此卽繩水按水經注若水逕越

嶠大祚縣入繩繩水出徼外山海經曰巴遂之山繩水出焉東南流分爲二水其一水支流東出逕廣桑縣東流注于江其一水南逕旄牛道至大竿與若水合自下亦通謂之繩水矣今金沙江下流正與打冲河合其說似之唐樊綽以麗水爲禹貢之黑水與瀾若江合入南海程大昌疑其源流狹小不足以合雍梁二州疆境然今金沙江自與大江合不入南海非黑水也明僧宗泐望河源詩自記云河源出自抹必力赤巴山番人呼黃河爲沫處犁河牛爲必力處赤巴者分界也其山西南所出之水則流入犁牛河東北之水是爲河源今自黃河源至金沙江源僅三百六十餘里中隔巴顏喀喇山河源在山之東金沙江源在

山之西南宗泐之言與今頗合必力處卽布賴楚聲相近也又徐祖溯江記源云禹貢言岷山導江乃汎濫中國之始非發源也中國入河之水爲省五入江之水爲省十一計其吐納江倍于河按其發源河自崑崙之北江亦自崑崙之南非江源短而河源長也宏祖蓋以金沙江爲大江之正源前人已言之第非出于周覽故其言雖是而未
能條析凡水之源必以遠且大者爲主而近者小者附之
金沙江自發源歷雲南至叙州府行七千里始與岷江合
較岷江之源遠三四倍大亦倍之昔人守禹貢岷山導江
之文不敢別有異辭然岷山特導江所始非卽江源猶導
河積石非卽河源也以今考之江凡三源最遠而大者莫

如金沙其次則鴉龍又其次則岷江三源金沙最西中爲鴉龍東爲岷江鴉龍江流至四川會川衛西先合金沙江金沙江流至叙州府又與岷江合斯爲大江也 又云鴉龍江在西藏裡塘城東二百四十里源出裡塘城西北八百餘里巴顏喀喇山番名齊齊爾哈納河東南流五百餘里兩旁十餘水注之至麻穆巴顏喀喇山下有水名麻穆齊齊爾哈納河西南流與此水會又流百餘里東有年尼茫起山所出之謝楚河西有澤塞岡嶺所出之鄂宜楚尔古河二水分流入此名尼雅克楚河又南流三百餘里至四川打箭爐古對安撫司西名鴉龍江又三百餘里至四川鹽井衛西北界名打冲河折東流一百五十餘里又折而南二百餘里會金沙江今以此江爲邊界江之東屬四川打箭爐地江之西爲番地

皇朝通志大江源出四川松藩廳邊外之岷山羊膊嶺有二源合流入邊界黃勝關內至漳臘營有一水來會逕廳東南有茂州鐵豹嶺水來會又東南經茂州城西北又西南經保縣西北汶川縣西又東南經灌縣西北有納凹河三江口河來會又東南曰灌口曰湔江分爲二派一支東流爲沱江經郫縣新繁成都新都金堂南經簡州資陽資州富順至瀘州復于江一支正南流又分二派經崇慶州而合又東南有自溫江縣分出之水來會經新津縣東北又南流有自崇慶州分出之水合大邑邛州蒲江諸水來

會又東南有沱江支渠環成都府城西流來會又南經彭山縣東眉州城東又西南有仁壽縣水來會又南經青神縣東南有新磨河自丹稜縣來會又南有金牛河自夾江來會又南出于重山至嘉定府東北有尼溪自井研縣竹公谿自東山縣來會至府西南有陽江卽大渡河自灌縣大邑縣經美浩阿爾古境又南會打箭爐之瀘河又東南會越雋廳河經峩眉縣西南會青衣江入于大江青衣江由蘆山縣經雅州府西會榮經縣水經名山縣南洪雅縣南夾江縣西峩眉縣東會三峩水至嘉定府西合陽江以入于大江大江東南流至犍爲縣北又東南經叙州府北又東南有金沙江來會此禹貢之岷山江源也 又云金

沙江卽古麗水亦曰繩水曰犁牛河出西藏衛地之犁石山東北流有喀七烏蘭水來會又東北有拜都河來會又東南會諸水無數行二千餘里入喀木境名布賴楚河又東南千餘里名巴楚河又東南六百餘里入雲南麗江府西北邊境折東北始名金沙江有無量河合里楚河自永北廳來會又南有漾共江自鶴慶州來會又東逕賓川州北有三道河荅旦河來會經姚州北有泡江自雲南縣來會經大姚縣北又東北有大羅河自永北廳來會又東有鴉龍江自北來會鴉龍江卽古若水又名打冲河源出西番裡塘城西北山中曰雜楚河東南流合諸水無數行千三百餘里至打箭爐邊外始名鴉龍江南入四川瞻對土

司界又東南有一水亦名打冲河卽古瀘水自雲南順寧府來會東流有鹽井河來會東南流經永昌府西南境有安寧河自冕寧縣合諸水來會折西南入金沙江金沙江又東南流東北爲四川界西南爲雲南界有大姚河自姚州來會經武定州北有武定州水四川會理州水並來會又東北有普慶河自雲南府治昆明縣之滇池滙呈貢縣晉寧州昆陽州諸水北流會安寧州富民縣及武定州祿勸縣諸水來會東北入東川府界有玉虹河會通河自會理州來會又東北有小江自尋甸州來會又東北有以禮河自東川府來會又東北有雲南貴州界上水來會經昭通府西北有馬湖水來會又東又橫江自昭通府經四川筠連慶符二縣來會又東北經叙州府城黨會岷江此大江之西南源也 水道提綱大江源出四川松藩衛邊外西番地之岷江羊膊嶺有二源北源曰岡出阿林水從東麓東南流南源曰那哥多母精阿林水從南麓南流二百餘里而合又東流折而東南入邊界黃勝關至漳臘營西又南逕松藩衛東受諸水折西南經茂州城西北威州城西北經保縣西南汶川縣西又東南至灌縣西北合數水江流益甚又東折而南曰灌口經縣城西曰湔江下曰都江卽古離堆地江至此分爲二派支渠縱橫其南者正流也其東流者沱江也正流南二十里又分二派至成都府城南復合又南逕彭山縣東茂州城東青 東南又西

南至嘉定府東北又東南至犍爲縣北宜賓縣西北叙州府城北又東南金沙江合鴉龍江諸水自馬湖府來會江流大盛矣 又云大江源出岷山山自邊外地綿數千里禹貢導江之岷山亦曰汶江今四川松藩衛西北也又有北源岷山在陝西岷州衛南源又有二岷山一在茂州一在灌縣皆不如據漢志湔氏道卽在今松藩者爲是 尙書後案漢——唐爲松州嘉誠縣廣德初陷吐蕃宋亦未復仍爲吐蕃地今爲龍安府松藩廳在府西三百里成都府西北七百六十里岷山又在廳西北二百二十里山有大分水嶺卽古羊膊嶺江源所出也 按岷山本志作嶧說文作駘省作岷漢人隸書皆作汶據史記引禹貢岷

嶧旣藝及岷山之陽岷山導江皆作汶蓋古字通用也今所引諸書或作岷或作汶並从原本

過郡七

禹貢錐指按今江水所過于漢爲蜀郡犍爲巴郡南郡長沙江夏豫章廬江丹陽會稽廣陵凡十郡一國而志云過郡七蓋江都在江北據北岸言之故不數兩岸之長沙豫章丹陽會稽也 按徐鍇所引作過郡九行七千二百六十里過郡九者蜀郡犍爲巴郡長沙江夏廬江丹陽廣陵國也

行二千六百六十里

禹貢錐指以尙書纂言所載易氏之說考之江自松藩至

秦州行七千九百六十里自秦州至海門入海又四百里
通計得八千三百餘里志云二千六百六十里其誤無疑
二當作八或是七而先儒釋漢書者曾無一語駁正豈近
世傳寫之譌而古本不若是歟 殿板漢書考證齊召南
曰按里數大誤江為南紀巨川自蜀至海即以地形東西
直計亦五六千里况水道紆曲乎所謂過郡七七字其上
不有脫文則字誤也且湘也漢也沅也皆入江之支水也
漢由西縣東南至江州入江曰行二千七百六十里湘由
零陵北至酃縣入江沅曰故且蘭至益陽入江並曰行二
千五百三十里以岷江之遠從西塞蟠折巴蜀襟帶荆揚
其里數乃僅與沅湘之埒反不如漢水之長乎此為轉寫
脫誤灼然易曉又按宋本旄牛下班氏自注鮮水若水云
云之外有劉奉世曰里數蓋誤八字夫鮮若源出徼外里
數難以測量疑此八字當注此條之下 新校地理志江
水自松藩入境至太倉共得七千九百餘里然則此二千
應作七千也字誤

汶江

戰國策蘇代約燕王曰秦告楚曰蜀地之甲乘船浮于汶
乘夏水而下江五日而至郢 史記西南夷傳自筰以東
北君長以什數冉驪最大 水經注漢元鼎六年以冉驪
地置汶山郡治一一縣地節三年郡廢屬蜀郡 華陽國
志一一道滅水驪水出焉多冰寒盛夏凝凍不釋 元和

志今茂州汶山縣本漢——縣地——城在縣北三里
大清一統志——故城在今茂州北 按續志華陽國志
水經注並作——道縣有蠻夷謂之道今本漢書脫道字
耳

泚水

舊作泚水誤

出徼外南至南安

屬犍爲郡

東入江

說文泚水出蜀——徼外東南入江從水我聲 水經注
泚水出徼外逕——道呂枕曰泚水出蜀許慎以爲泚水

也久水泚聲南至南安入大渡水大渡水又東入江 禹
貢錐指禹貢和夷底績按水經注引鄭說云和夷和上夷
所居之地和水卽泚水和泚聲相近字從而變地志云青
衣縣禹貢蒙山谿大渡水東南至南安入泚泚水出——
縣徼外南至南安東入江泚乃泚字之誤和夷者泚水南
之夷也班固爲大渡入泚道元謂泚入大渡然泚水源長
當以漢志爲正道元叙泚水甚畧自漢志誤泚作泚而師
古曰音哉世遂不知有泚水且不知泚水之所在徒以其
下流與南安之沫水號爲大渡者合而入江因目泚水曰
大渡河耳 大清一統志漢志云大渡水東南至南安入
泚泚水南至南安東入江泚乃泚之譌南安今加定府江

水沫水與青衣水會流處沫水經峩眉縣故謂之泚也
漢書考異按說文泚水出蜀汶江徼外別無泚字水經注
泚水出徼外逕——道南至南安入大渡水又東入江亦
从泚不从澦志作泚者傳寫之譌然廣韻十六哈部有泚
字注云水名出蜀則沿譌實始于唐矣 按泚字見于說
文所引本志亦作泚水卽禹貢之和夷也和泚同音故酈
氏引說文以正之而後世俗本漢書多作泚師古卽音哉
真堪發粲

過郡三行三千四十里

過蜀越嶠犍爲三郡

江沱在西南東入江

禹貢沱潛旣道孔傳沱潛發源此州入荊州 禹貢汶山
導江東別爲沱 水經注江水經——道汶水出徼外岷
山西至輪坂下而南行又東逕——縣而東注于大江又
東別爲沱開明之所鑿也郭景純所謂玉壘作東別之標
者也縣卽汶山郡治渡江有笮橋 九域志保寧縣有沱
江 方輿勝覽至輪江在汶川縣北三里 元統志沱水
自廢悉州經威州界至汶川合大江 禹貢錐指江沱自
古有之華陽國志云七國時杜宇稱帝于蜀號望帝其相
開明决玉壘山以除水害帝遂禪位于開明此說出揚雄
蜀王本紀故漢志云汶江縣有江沱在西南東入江夫旣
爲七國時開明所鑿則非禹貢之江沱亦不待辨而自明

矣 又云漢志蜀郡——縣又有江沱近志以威州至輪
江當之玉輪江卽汶水也水出岷江西至輪坂下非首受
江者不可謂沱漢志所言蓋卽緜虜縣界開明之所鑿郭
璞云玉壘作東別之標者也開明蜀王杜宇之相七國時
人始鑿前古未有也 大清一統志沱江源出雜谷廳界
花崖山東南流經廳北又東南至茂州保縣西北入大江
按今——江沱在成都府新繁縣西北禹貢汶山導江
東沱別爲沱說者以爲此水其實非禹跡之舊矣

廣柔

蜀王本紀禹本汶山郡——縣人生于石紐 帝王世紀
——縣有石紐鄉禹所生也 華陽國志縣有石紐鄉禹

所生處夷人共營之地方百里不敢居牧有罪逃其野中
捕之者不敢逼追云畏神禹能藏三年不爲人得則其原
之云禹神靈祐之也 元和志漢——故縣在今茂州汶
川縣西七十二里禹本汶山——人有石紐邑禹所生處
今其地名剗兒畔 輿地廣記綿州石泉縣本漢——縣
地唐屬茂州者石紐山禹之所生也 大清一統志——
故城在今茂州汶川縣西北

蠶陵

成都記——卽古蠶叢氏之國蠶叢氏蜀君也 元和志
蠶崖關在今彭州導江縣西北四十七里其處江山險絕
鑿崖通道有如蠶食因以爲名漢于此置——縣後廢今

翼州當州靖州恭州四州之地並漢之——縣也 後書
 安帝紀注——縣故城在今翼州翼水縣西有——山因
 以為名 舊唐書地理志——故城在今衛山縣西有——
 山 路史國名紀彭之遵縣有蠶崖 明統志——故
 城在今疊溪所城北三里 方輿紀要——山在今疊溪
 守禦所西北漢因以名縣 大清一統志——廢縣在今
 松藩廳疊溪營西——山在營北蠶崖關在今成都府灌
 縣西北

莽曰步昌

漢書地理志補注卷四十七

常熟 吳卓信 編纂

犍為郡

說文犍作犍 集韻犍或作犍 隸釋凡漢碑皆作犍為

應劭曰故夜郎國 後書安帝紀注——故城在今

眉州隆山縣西北 元和志——故城在今眉州彭山縣

西北五里 方輿紀要——今敘州府瀘州及嘉定府

眉州皆其地 按漢——今四川敘州府之宜賓慶符

琪屏山四縣成都府之簡州嘉定府之夾江縣東川府之

會津縣眉州之彭山縣瀘州之合江縣資州之資陽縣皆

其地

武帝建元六年開

史記西南夷傳建元六年拜番陽令唐蒙中郎將從巴蜀
笮關入見夜郎侯諭以威德夜郎旁小邑皆貪漢繒帛以
為漢道險終不能有也乃且聽蒙約還報乃以為

華陽國志漢高帝六年分巴郡置廣漢郡孝武又割巴
蜀二郡置

志今戎州故夔國也而秦軍破滇通五尺道至漢武帝建
元六年通西南夷自夔道抵牂柯鑿石開道二千餘里置

莽曰西順屬益州縣十二

夔道江陽武陽南安資中符牛鞞南廣漢陽郁郆朱提堂
琅

夔道

本書王莽傳——以南山險高深 禮王制屏之遠方西

方曰夔 說文夔犍為蠻夷也从人棘聲 應邵曰故夔

侯國也音溝北反 高誘淮南子注夔音匍匐之匍 服

虔曰舊京師有夔婢 華陽國志犍為郡初治營縣元光

五年移治南廣孝昭元年改治—— 又云——縣在南

安東四百里距郡百里治馬湖江會水通越雋舊本有夔

人有荔枝江薑茺有玉岳蘭李冰燒之崖五色赤白映水

元黃魚從楚來至此而止畏崖映其水故也 水經江水
又東南過——縣北若水淹水合從西來注之注云縣本

夔人所居地理風俗記曰夔子夷中夔仁有人道故字從人秦紀所謂夔僮之富者也其邑高后六年城之武帝感相如之言使縣令南通夔道費功無成唐蒙南入斬之乃鑿石開閣以通南中迄于建寧二千餘里山道廣丈餘深三四丈其鑿鑿之跡猶存縣江中崖峻阻險不可穿鑿口李永乃積薪燒之其故處懸岩猶有赤白元黃五色照水焉 又云若水又東北至一一縣入于江注云若水至一一縣又謂之馬湖江繩水瀘水孫水淹水大度水隨決入而納通稱是以諸書錄紀記群水或言入若或言注繩亦或言至一一入江正是異水沿注通為一津更無別川可以當之 史記正義今益州南戎州北臨大江古夔國也 通典今戎州一一開邊歸順三縣並漢一一縣地 元史地理志唐戎州治一一在蜀江之西三江口 大清一統志一一故城即今敘州府宜賓縣治舊志云一一縣故址有三漢址在府西南中方鄉一即今治唐太宗時所移一在江北謂之舊州城唐會昌中所移也

莽曰夔治

江陽

華陽國志

江雒會于方蘭祀江中有大闕小闕 蜀都

賦注沱潛既道從一一縣南流至漢嘉縣入大穴中通剛

山下因南潛出今名復出水是也 水經注江水又東過

一一縣南雒水從雒縣南東南注之綿水至一一方山下

入江謂之綿水口亦曰中水——縣枕帶江雙流據江雒之會也 隨志瀘川郡瀘川縣舊曰——大業初改 元和志今瀘州瀘川綿水江安富義四縣及營州公井縣並漢——縣地 大清一統志——故城卽今瀘州治眉州彭山縣東十五里亦有——故城乃晉宋時僑置非漢縣也 地理志稽疑沈炳巽曰漢志綿水入雒雒水入湔湔水入江蓋以湔爲主也故曰湔水東南至——入江水水經注以雒爲主雒水合綿水綿水合湔水故以——爲江雒之會也 按功臣侯表有——康侯蘇息景帝六年以趙相封史表作蘇嘉水經注以爲卽此

武陽

揚雄蜀記秦惠王遣張儀司馬錯伐蜀蜀王開明拒戰不利退走——獲之 華陽國志漢太初四年益州刺史任安城——後遂爲郡治 水經江水又東南過犍爲——縣與鄆江合青衣水沐水從西南來合而注之注云縣故大夜郎國漢武帝開道置以爲縣建元六年置郡充武謂之士大夫郡有鄆江入焉 通典今嘉州綏山縣漢——縣故城在今縣東又陵州井研始建二縣及眉州彭山縣亦漢——縣地 元和志昭帝時犍爲郡自犍道移理——今眉州彭山西北五里有犍爲故城猶歷歷可攷 又云今獎州本漢——縣地又蜀州新津縣亦——地又眉通義彭山二縣亦並——縣之南境陵州仁壽籍縣始

建井研四縣並一一縣之東境 後書光武紀注一一故
 城在今眉州隆山東 寰宇記一一故城在今眉州彭山
 縣東北十五里相傳秦惠王時張儀所築 方輿紀要一
 一城在彭山縣東十里相傳蜀國故城也 大清一統志
 一一故城在今眉州彭山縣東十里
 有鐵官

元和志鈇山在今陵州始建縣東南七十里其山出鐵最
 剛利諸葛亮取為器 新唐書地理志新津縣有鐵 輿
 地紀勝鐵山在井研縣東北六十里周地圖云縣界首有
 鐵山周封宇文度為鐵山侯即此其山出鐵極剛利
 莽曰戢城

南安

蜀都賦注縣臨大江岸邊山嶺相連經益州郡有道廣四
 五丈深或百丈鑿鑿之跡今存昔唐蒙所造 水經注江
 水又東南逕一一縣西有熊耳峽連山競險接嶺爭高懸
 漑有灘名壘抵亦曰鹽漑李水所平也縣治青衣江衿帶
 二水矣即蜀王開明故治也 元和志今嘉州龍游夾江
 綏山羅目峨眉玉津平羌犍為八縣並漢一一縣地又戎
 州義賓縣眉州青神縣榮州旭川容官應靈三縣並一一
 地 寰宇記今眉州青神縣本漢一一縣地 輿地紀勝
 今榮州即漢犍為郡一一縣地 方輿勝覽今嘉定府紹
 熙府並漢犍為郡一一縣地 大清一統志一一廢縣在

今嘉定府夾江縣西北二十里 按本書佞幸傳鄧通蜀郡南安人據志一一屬犍爲不屬蜀郡犍爲武帝所置漢初蓋屬蜀郡也 又按功臣侯表有一一嚴侯宣虎高帝六年封索隱曰屬犍爲建安亦有此縣考是時二方俱未開安得以後世地名釋開國之封域乎蓋必別有其地而今不可考矣

有鹽官

元和志今戎州義賓縣東北十三里有秋溪鹽井又榮州亦有鹽井 輿地紀勝應靈水在應靈縣北三里其源出隆州入嘉州四路江口合蜀江如榮德威遠資官三縣各有水而不通舟船又榮德之鹽色微赤資官之鹽色純黑又非舟楫所載惟靈應之鹽純白而商賈最衆以其水通流朝夕般運不愛寶以資用度國家之利也

鐵官

元和志今榮州旭川縣有鐵山在縣北四十里 又云榮州貢利鐵 寰宇記鐵山在資官縣北一百里其山出鐵九域志豐遠監在嘉州北五十步景德二年置鑄鐵錢大清一統志鐵山在今嘉定府榮縣北與威遠縣接界其山出鐵 按南齊書州郡志犍爲郡有冶官縣蓋以縣有鐵山出鐵置冶而名也 元和志云資官縣舊名冶官 隋後誤以冶爲谷也而通典及新舊唐志又誤谷爲資則去本字又愈遠矣寰宇記乃云晉義熙中置資官縣舊作

卷四十七
六
咨字誤是反以元和志爲非矣謬甚

資中

水經注雒水合縣水湔水又東遠——縣又逕漢安縣謂之綿水自上諸縣咸以灌溉故語曰縣雒爲沒沃也 後書岑彭傳注其地在今資州資陽縣 元和志今資州盤石資陽內江丹山銀山龍水清溪月山八縣又榮州和義威遠二縣並漢——縣地 輿地紀勝今資州卽漢犍爲郡之——縣地資水在資陽縣西從簡州平泉縣界流入方輿勝覽今昌州大足昌元永川三縣並漢——縣之東境 四川通志中江自簡州流入資陽縣爲資江亦曰珠江 方輿紀要今資陽縣西南三里有資山東一里有

資溪

大清一統志——故城在今資州資陽縣資陽圖

經云漢——城在今縣北臨中江水今壞無餘址 又云中江自成都府簡州流入資陽縣東南逕州界爲資江又東南入敘州府富順縣界爲牛鞞水卽綿湔雒諸水下流也 水道提綱資陽縣有資溪亦名資江

符

本書西南夷傳武帝建元六年以唐蒙爲中郎將將千人從巴符關入見夜郎侯多同 華陽國志——縣在江陽縣東二百里武帝元鼎二年置治安樂水會東接巴蜀樂城南通平羌氍縣 水經江水又東過——縣北縉部水從——關東北注之注云縣故巴夷之地也治安東水會水源南

通寧州平夷郡營縣北逕安樂縣界之東又逕一縣下北入江 元和志今瀘州合江縣本漢一縣地 大清一統志廢一縣在今瀘州合江縣西

溫水南至營

屬牂柯郡

入黠水黠水亦南至營入江

說文溫水出犍爲一南入黠水从水盃聲 水經注溫水

一曰煖水出犍爲一縣而南入黠水黠水亦出一縣南與

溫水會闕駟謂之闕水俱南入營水營水于其縣而東注

于延江水 師古曰黠音紀炎反 晉書音義其炎反

地理志稽疑以水經注考之蓋溫入黠黠入延延入沅以

入江也

新校地理志涪陵今之涪州延江今之涪江也

其上游曰黠江俗曰烏江黠與黠字同音稱烏者亦以黠

義通之 段氏說文注水經之延江水于江水條曰枳縣

西注江于延江條曰至沅陵縣入于沅酈氏有一水枝分

之說漢志云黠水至營入江營非入江之地疑今本漢志

有奪字也

莽曰符信

牛鞞

孟康曰鞞音髀 廣韻鞞府移切音卑一縣名在蜀

師古曰音必爾反 華陽國志一一縣去犍爲郡三百里

武帝元鼎二年置有陽明鹽井卽一一井也 水經注雜

水合縣水湔水又逕——縣爲——水縣以漢武帝元封
二年置 隨志蜀郡陽安縣舊曰——西魏改名焉 元
和志今簡州陽安平泉二縣並漢——縣地又漢州金堂
縣亦漢——縣地中江水卽——水也在金堂縣東北一
里 輿地紀勝今簡州所治陽安縣及懷安軍金堂縣並
漢——縣也 大清一統志今成都府簡州漢——縣也
按華陽國志漢元鼎二年置水經注則謂元封三年置宋
志蜀郡有鞞縣齊志蜀郡有——縣元和志以爲李雄據
蜀因茲荒廢南齊于此置——戍彼此互異不可考矣
又云中江在今簡州城東卽湔雜諸水下流自金堂縣東
南流入又南入資州資陽縣界一名——水亦名雁水
水道提綱沱江自焦沙尾東南流入十餘里折西南流一
百二十里至簡州東北有赤沙河自西北合二水來注之
卽絳水亦名——水

南廣

華陽國志——縣漢武帝太初元年置 元和志今協州
本夜郎國卽漢犍爲郡之——縣又戎州南溪亦——縣
縣地 蜀鑑——今敘州南溪縣 方輿紀要南廣城在
敘州府南溪縣南或曰漢治在縣西南境 大清一統志
——故城在今敘府珙縣西南

汾關山符黑水所出北至棘道

屬本郡

入江

水經注符黑水出寧州南廣縣導源汾關山北流有大涉水注之大涉水亦出南廣縣北流注符黑水又北逕棘道入江謂之——口 元和志——水在開邊縣西北一里 寰宇記黑水出胡藍生獠界東北流入蜀江唐天寶六年改爲皂水 方輿勝覽華陽黑水惟梁州今出南寧州 ——縣汾關山北至棘道縣入江 寰宇通志黑水在敘州府城東南十五里即——溪諸書皆謂此水即禹貢之黑水按禹導黑水至于三危南流入于南海非入于江也 今此水自西南夷界流至——洞入于江其說非是 方輿紀要黑水在敘州府東南十五里自西南夷界流逕——

——又北入于江一名——溪即今慶符縣之——水也

大清一統志——水源出雲南照通府鎮雄山箐流經四

川敘州府筠連高二縣界又北逕慶符縣西又東北至宜

賓縣東入于江即古符黑水也 水道提綱納溪俗曰清

水河原出四川永寧衛有兩源合而東北流至衛東南與

貴州界水合曲折二百餘里至納溪縣南折西北流入江

地理志稽疑符黑水謂符縣之黑水也 新校地理志

符黑水今日清水河

又有大涉水北至符

屬本郡

入江

水經江水過符縣北鰓部水從符關東北注之注云符縣
 治安樂水會水源南通寧州平夷郡營縣北逕安樂縣界
 之東又逕符縣下北入江其鰓部水或是水之殊目也
 寰宇記安樂溪水從牂柯生獠界來流入十里與汶江合
 輿地廣記瀘州合江縣本漢符縣地縣有安樂山安樂
 溪漢志一一有大涉水北至符入江卽此水也 大清一
 統志安樂溪在今瀘州合江縣東自仁懷縣流入今名小
 江卽古大涉水也亦曰鰓部水 水道提綱赤水河出四
 川鎮雄之府西北山東北流經府北曰綿陽河折東南入
 貴州界經永寧縣南又東北入曲川界經仁懷縣西南合
 江縣東又北入大江此水曲折行受數小水幾及千里

新校地理志大涉水今名赤水河

過郡三行八百四十里

按二水無過郡之理本志云云未解

漢陽

輿地廣記今長寧軍蓋漢犍爲郡之一縣地 輿地

紀勝嘉定二年陞安夷寨爲縣名曰安寧屬長寧軍本漢

之一縣地 方輿紀要一一廢縣在今慶符縣西南一

山在縣北八十里或云漢縣治此山之側 大清一統

志一一故縣在今敘州府慶符縣南一一山在縣北八十

里 新校地理志似今酉陽州彭縣地

都尉治山關谷

師古曰闕音他合反

漢水所出東至鼈

屬牂柯郡

人延

水經延江水出犍為南廣縣又東至牂柯鼈縣東屈北流至巴郡涪陵縣注更始水又東南至武陽西陽縣入于酉水 水經注漢水出犍為一一道山闕谷東至鼈邑入延江水 新校地理志延即延江水 按本志續志及晉志之朱提郡並有一一縣皆無道字又鼈是縣非邑也未審酈氏何所據

莽曰新通

郁鄢

水經存水出犍為存一縣東南至鬱林定周縣為周水又東北至潭中縣注于潭 集韻一一縣名在犍為或從水作游 師古曰鄢音莫亞反 元和志今戎州歸順縣本漢一一縣地 晉書音義驪亡嫁反 方輿紀要一一廢縣在今敘州府西南舊志云今府西北一百六十里有一一灘疑近舊縣治 按晉書地理志作存驪水經亦作存據說文本無郁字則存字是也鄢今玉篇廣韻俱譌為鄢廣韻并兩載郁鄢郁鄢二縣尤誤又今本說文亦作郁鄢想亦傳寫之譌

莽曰孱鄢

師古曰孱音仕連反

朱提

應劭曰一一山在西南 蘇林曰朱音銖提音時北方人

名七日匙 後書滇王傳注朱音殊提音匙 水經若水

又東北至犍為一一縣西瀘江水注之注云一一山名也

縣以氏焉在郡南千八百許里有瀘津東去縣八十里水

廣六七百步深十數丈多瘴氣鮮有行者水出金沙越人

收以為黃金又有珠光穴出明珠又有琥珀珊瑚黃白青

珠也 元和志今曲州本漢夜郎國地漢武帝于此置一

縣屬犍為郡 明統志一一山在敘州府西南五十里

大清一統志今敘州府屏山縣即漢犍道一一縣

一一山在今宜賓縣西南去府太近當非漢時故山但取故

縣為名耳

出銀山

本書食貨志王莽時一一銀重八兩為一流直一千五百

八十他銀一流直千是為銀貨 諸葛亮書漢加之一一

銀采之不足以自食 南中志一一舊有銀窟數處 方

輿紀要一一山在敘州府西五十里連綿高聳上侵霄漢

舊常產銀所謂一一銀也

堂琅

晉志宋志並作堂狼 華陽國志一一縣因山為名 南

中志朱提縣西南二百里有一一山多毒草盛夏之月飛

鳥過之不能得去縣蓋置于山下 水經注朱提郡西南
二百里得所縮——縣西北行上高山羊腸繩屈入十餘
里或攀木而升或繩索相牽而上緣涉者若將階天南中
諸郡以爲至險 大清一統志——廢縣在東川府會澤
縣境——山在縣北一百五十里 按續志無——縣而
宋志云後漢屬朱提郡非是

程